



*Stichting  
Hunto ta  
oficialmente  
un realidad:  
Un simbolo  
di speransa y  
inovacion pa  
Aruba*

## Hopi cas bendi na stranhero ta distorsiona mercado di vivienda na Aruba



*Pagina 3*

- **PG Flanegin cu apelacion pa evita cu OM mester actua ora mucha comete delito**

*Pagina 2*

- **Drs. Jason Lejuez: Programa nacional pa economia informal ta beneficia nos tur**

*Pagina 4*

- **Proyecto di Agroforesteria a cuminsa na Scol Primario Kudawecha**

*Pagina 2*

## Trump ta critica veredicto di fraude na New York



*Pagina 22*

## Hues ta reprocha fuertemente minister di Finanzas di Corsou



*Pagina 8*

## Segun rapport, arma usa na Haiti ta bini di Merca



*Pagina 11*



# Proyecto di Agroforesteria a cuminsa na Scol Primario Kudawecha



**Recientemente e proyecto di agroforesteria sintropico a yega Scol Primario Kudawecha. Boluntario-, mayor-, mucha- y trahadonan di e organisacionnan**

**encarga cu e proyecto a traha na e scol pa asina finalisa e proyecto cu tin como meta stimula e futuro generacionnan ariba e importancia di agricultura.**

E proyecto di agroforesteria sintropico ta un proyecto unda e scolnan cu ta participa ta ricibi sosten tanto for di Santa Rosa Aruba y Living Soil, como tambe for di Gobierno di Aruba pa desaroya un hardin cu ta provee alimentacion y asina inculca e balor pa agricultura den e futuro generacion pa medio di tecnicanan sostenibel.

Aña pasa dia 1 di november Gobierno di Aruba a lansa e proyecto aki y a lansa e plataforma cu a duna oportunidad na e scolnan basico pa registra y participa na e proyecto aki. Dia 18 di januari a traves di un conferencia di prensa Minister Ursell Arends a anuncia e inicio oficial di e proyecto y e prome scol cu a ricibi e hardin di alimentacion, cual tabata Scol Basico Washington.

Den fin di siman Scol Primario Kudawecha a bira e di dos scol cu a ricibi

e hardin di alimentacion cu e proyecto di agroforesteria sintropico. Un total di 13 scol ta forma parti di e proyecto aki, 13 scol basico y tambe IPA.

E scolnan basico cu ta bay ta participando den e proyecto di agroforesteria sintropico ta Scol Basico Washington, Scol Primario Kudawecha, Colegio Hilario Angela, Colegio Conrado Coronel, Pius X School, Scol Caiquetio, Sint Paulus School, Play2Whizz Campus, Scol Basico Dornasol, Scol Paso pa Futuro, Mon Plaisir School y Grof Van Zinzendorf.

*Procurador General mr. Amalin Flanegin:*

## Apelacion pa evita cu ta yega asina leu cu OM mester actua ora un mucha comete delito

**Recientemente, Procurador General di Aruba, mr. Amalin Flanegin a duna un discurso den ocasion di instalacion di hues mr. Brandt y mr. Pijnenburg den Corte Comun di Hustizia, den cual a felicitanan y nan famia, Cortemes y tur esnan presente na e ocasion.**

Flanegin a repasa riba poder hudicial, cu ta consisti di miembronan di Corte Superior, e huesnan, y miembronan di Ministerio Publico, e fiscalnan di un pais. Ministerio Publico ta traha na interes di nos Pais y ta ehecuta su tareanan a base di diferente ley. A menciona e tareanan primordial pa OM ta percura pa cumpli cu ley, y persecucion di sospechoso cu a comete un delito, ehecucion di sentencia y otro decisionnan di hues.

“Tur e tareanan aki ta represivo y no preventivo. Aunke cu nos ta participa den cierto grupo di trabao cu ta encarga cu e parti preventivo, manera den e Veiligheidshuis Aruba, primordial ta nos tareanan represivo. Manera ta bisa den Papiamento: Ministerio Publico ta hunga su rol ora e baca a hoga caba,” el a continua.

“No ta mi intencion di duna les den nos estructura estatal ni ley penal, pero si mi kier pidi atencion awe pa observacion encuan to nos comunidad cu ta preocupa mi.

“Mi a ripara cu ta spera di Ministerio Publico cu ley penal como instrumento por soluciona tur problema, hasta problema cu eigenlijk no ta su “core business”. Ademas di e hecho cu nos no por ac-

tua riba tur tereno, pasobra simplemente nos no tin suficiente hende (“capaciteit”) pa esaki, e realidad ta cu no ta Ministerio Publico den cierto situacion ta e prome yamá pa trata cu un problema of solucion’e.”

“ E Veiligheidshuis Aruba ta un red di partnernan di e cadena di husticia y e cadena di cuidado. Meta ta pa aporta na seguridad di Aruba door di preveni y reduci cu hende ta cay back riba mal caminda (recidive), molester, criminalidad y asina yama ‘maatschappelijke uitval’ ora di problemanan complica (cu hende ta stop di funciona den comunidad). E hermentnan ta un combinacion di repression, intervencion y cuidado. E partnernan ta (entre otro) Ministerio Publico, Polis, Voogdijraad, FCCA, Stichting Hunto y Wit Gele Kruis, pa menciona un par. Ademas tin tambe e partnernan flexible, manera OC y Departamento di salubridad public (fuente:omaruba.aw).

Flanegin a agrega cu “leynan penal t’ey cu nan funcion normativo (“normerende werking”), pero nan no ta cura. Y si e comunidad mes a percura pa duna cuidado na un persona asina, kisas lo por preveni pa algo mas serio pasa. Situacionnan similar nos tambe tin cu trata di evita, dunando por ehempel cuidado na e persona cu ta den e situacion dificil aki. Den Reino, pues tambe na Aruba, tin atencion pa duna ayudo door di introduci por ehempel un “crisisdienst”. Di e forma aki ta duna e cuidado necesario na hende cu ta malo y ta trata di evita cu algo mas grave por suceder.”

Ademas, Procurador General tabatin dos comentario relaciona cu mucha. “Desde cu mi a cuminsa traha, mi a cera conoci cu diferente instancia importante cu ta traha o ta encarga cu nos muchanan manera Stichting Reclassering, Veiligheidshuis Aruba, Voogdijraad, diferente fundacion. A base di nan experiencia di trabao, nan a comparti nan opinion profesional pa cu e situacion cu nos muchanan ta enfrenta. E problemanan cu nos muchanan ta enfrenta ta varia.

“Tin problema por ehempel di comportamiento, falta di guia, drop-outs di scol, problema di adiccion na droga y alcohol, problema mental, falta di sosten di mayornan, amistadnan problematico, no tin un “steunend netwerk”, peer pressure. Di e cifranan cu nos ta dispone di dje encuan to actonan castigable cu muchanan menor di edad ta wordo sospecha di a comete, mi a conclui lo siguiente:

Di 2016 pa 2019 e cantidad di mucha sospecha di a comete un delito a subi di 98 pa 114 (16%). Na 2020 ta tin un reduccion te 107 menor di edad, pero despues na 2021 un aumento te 123 y a sigui subi na 2022 te 167. Si compara e cantidad di 2022 (167) cu esun di 2016 (98), e subida total ta 70% den 6 aña.

Di kico ta sospecha cu e muchanan aki a haci?

Den 2020, 2021, 2022 te cu 2023 e menornan di edad ta wordo sospecha di a comete diferente tipo di delito manera: bringamento den lugar publico, maltrato cu arma, menasa, droga, destruccion,

y tambe mata. Den e combersacionnan a bin dilanti cu ta mirando un reduccion den e edad di e muchanan cu ta bin den contacto cu husticia mientras cu e delitonan ta parce di ta bira mas grave.

Di e cifranan di añanan 2020 te cu 2023, e edad mas abao ta 12 aña y e sospecha ta di delito manera menasa, bringamento den publico, maltrato, hortamento, atraco.

“Nos muchanan ta esencial den nos comunidad y ta importante pa e futuro tambe di nos comunidad. Den nan interes, diferente iniciativa ta wordo tuma door di e poder ehecutivo, pero tambe priva y fundacionnan subsidia. Mi ta pensa si cu ainda falta mas, cu nos tur hunto por haci den interes di nos muchanan.

“Como miembro di e comunidad aki nos tur tin un poder, cu no ta parti di e Trias Politica cu mi a menciona na

comienso, pero cu nos cada un tin y mester eherce. Mi kiermen e poder di educacion/di coregi cu ta contribui pa preveni pa cosnan indesea of mas serio, un delito sucede, den nos comunidad.

“Pa nos muchanan ta esencial pa nan tin estructura den nan bida diario, wordo educa, no solamente na scol caminda nan ta haya les di entre otro idioma, matematica y historia, pero primordialmente, educacion na cas door di nan mayornan, famia o otro grupo di sosten rond di un mucha.

“P’esey mi ta haci un apelacion pa hunto nos haci un esfuerso pa evita cu ta yega asina leu cu ta Ministerio Publico mester actua ora un mucha comete un delito. Pasobra e ora ey nos ta laat caba mientras cu nos tur sa cu keto bay preveni ta miho cu lamenta,” Procurador General a conclui.





*Prome minister durante reunion cu DOW, DIP, Kadaster y FCCA:*

## Hopi cas bendi na stranhero ta distorsiona mercado di vivienda

Den ultimo tempo, a bira conoci cu na Aruba tin un scarsedad grandi di vivienda social y general. Pa cu e problema aki, Prome Minister Evelyn Wever-Croes, como minister encarga cu infraestructura, a reuni cu e departamentonan di DOW, DIP y Kadaster hunto cu FCCA, cu ta e fundacion encarga pa construccion di vivierendanan social, pa traha riba un plan pa elimina e escasez aki y percura pa crea mas vivienda social na Aruba.

E scarsedad di vivienda ta hopi mas grandi di loke FCCA por provee, y p'esey a reuni pa delibera riba ki otro alternativa por tin pa yena e necesidad aki.

Prome Minister a indica cu un di e retonan grandi ta e disponibilidad di tereno na Aruba. Esaki ta conduci cu lo mester bin cu otro forma di vivienda, y no manera Aruba ta custuma cune. Comunidad ta custuma cu na Aruba casnan ta wordo construi riba un tereno, y cu cada cas tin su cura, pero mirando cu no tin suficiente tereno pa construi vivienda lo mester bay traha cu otro metodonan.

FCCA ta un fundacion cu hopi experticio den e ramo aki, ya cu nan a yega di traha vivienda cu ta bay na dos of tres piso, cu ta pega na otro riba un rij, dunando asina toch un espacio pa un cura chikito dilanti y patras di e cas. Un otro reto ta cu hopi di e casnan a wordo bendi na stranheronan cu ta paga hopi placa pa nan. Esaki a distorsiona e mercado, aumentando e balor di e casnan exageradamente, conduciendo asina cu hopi hende no ta bin na remarca pa cumpra of construi un cas.

Durante e reunion, a delibera riba varios opcion, y a evalua kico tur por wordo haci, pa mantene e prijs di e casnan pagabel pa comunidad. "Nos meta ta, pa trece solucion pa e problema aki, y logra pa cada famia tin su hogar. Apesar di tur e retonan riba nos caminda, nos tin confiansa cu nos lo surpasa nan, y cu nos ta exitoso", Prome Minister a expresa



## Estudio di PWC a repasa nueve departamento bao Ministerio di Enseñansa

**Recientemente, Minister Endy Croes a reuni cu Sra. Omaira Lares y Sra. Gabrielle Croes di Departamento di Recurso Humano (DRH). Durante e encuentro a trata restructuracion di e aparato gubernamental y e ministerionan.**

Segun un comunicado di

gobierno, Gabinete Wever-Croes II desde inicio di gobernacion ta tumando pasonan pa haci e aparato gubernamental mas eficiente y pa mehora mas ainda e servicio na nos ciudadanonan. Un di e recomendacionnan di e Landspakket ta pa haci un estudio di tur e departamentonan di gobierno. E estudio aki a ser realisa pa PriceWaterhouse

Coopers (PWC), entre otro, di e tareanan cu e departamentonan mester haci, cual por acopla na otro y cual no ta un tarea directamente di gobierno. Tambe, a pone atencion na e tareanan cu lo por wordo privatisa.

Pa loke ta trata Ministerio di Enseñansa y Deporte tin nueve (9) departamento cu a

pasa den e proceso aki.

Siman pasa, Minister Endy Croes y Consejo di Minister a ricibi e prome conclusionnan di e estudio despues cu PriceWaterhouse Coopers (PWC) a reuni cu tur e departamentonan. Hunto cu DRH lo tuma cierto decisionnan den e fase aki, entre otro, kico en realidad ta e

tarea di gobierno y kico kisas no ta un tarea di gobierno. Pa conclui, mandatario di Enseñansa y Deporte a indica cu e tabata un bon reunion unda cu a repasa e nueve (9) departamentonan cu ta resorta bao di su ministerio y a duna contribucion den e proyecto aki.





*Implementacion di programa nacional pa economia informal:*

**Drs. Jason Lejuez: “E ta algo cu na final ta beneficia nos tur”**



tambe ta un punto importante. E ta hopi conoci cu hendenan ta bende cosnan online y ta algo cu ta bay sigui tuma luga.

Cu e obhetivo special dos, e meta ta pa tin eficiencia di e sistema fiscal. Lejuez a splica cu nan kier regula e estimulacion di e cumplimiento di e reglanan. El a indica cu e actividad aworaki ta pa adresa e bezwaar pa asina facilita, sobretodo pa e negoshinan cu ta wardando riba nan bezwaar, y pa mehora e eficiencia di e sistema fiscal.

El a agrega cu e creacion di incentivonan pa transferi e economia informal pa economia formal tambe ta importante. El a indica cu loke nan ta haciendo aworaki ta brinda informacion ariba con e introduccion di BBO na frontera ta andando y e idea ta cu a base di esaki lo tin un incentivo pa esnan operando den informalidad bay over den formalidad.

Obhetivo special tres ta enfoca ariba reduci e peso administrativo. Cu esaki loke e comision kier logra ta establece un registro publico di tur e diferente costo y pagonan cu mester wordo haci cu no necesariamente ta impuesto, pa e ta transparente y disponible pa tur hende, y asina e punto aki ta bira un obstaculo menos pa formalidad.

Lejuez a agrega cu den prome instante nan kier haci analisis di tur e diferente cargonan cu no ta impuesto, categorisa nan y pa reduci e gastonan cu no ta impuesto.

Por ultimo, obhetivo special cuater ta promove e conscientisacion pa ciudadano y negoshi ariba economia informal. Lejuez a remarca cu esaki ta importante pa reduci economia informal y con ta purba cumpli cu e regulacionnan. “E regulacionnan tey pa un motibo y nos mester cumpli cu nan pasobra asina bo tin tur e beneficienan di consumidor y negoshi cu ta contribui nan parti husto na e pais aki,” el a subraya.

El a sigui splica cu loke e comision kier haci ta bin cu un encuesta pa nan por indica unda nan ta para pa loke ta trata e consciencia di e ciudadanía y negoshi ariba loke ta trata e tema di economia informal. Cu esaki, cu tempo segun nan ta formalisa e economia informal, nan por monitor e progreso den e conscientisacion aki y con e ciudadano- y negoshinan ta tolera informalidad.

Lejuez a enfatisa cu prome cu realiza cualkier actividad mester pone e liña base pa asina por wak ki efecto tin di e campaña di conscientisacion cu ta andando.

El a indica cu tin diferente actividad cu lo tuma luga. E parti di campananan educacional tambe ta importante pa asina introduci esaki pa diferente instancia ta educa ariba kico ta economia informal, pa nan reconece esaki y pa ta consciente cu probablemente inconscientemente nan ta participa den economia informal

Lejuez a agrega tambe cu nan kier desaroya un portal nacional unda tin tur informacion disponible pa informa tur esnan cu tin pregunta of cu mester un instancia pa contact pa nan por logra esaki.

Pa loke ta e plan di accion pa 2024, el a indica cu e prome parti di aña nan ta bezig cu recopilacion di informacion y e di dos parti di aña ta bay ta e parti di campaña di conscientisacion cual ta e dos puntonan cu e rapport di DEACI a sugeri pa cuminsa cune.

**Durante e presentacion di e programa nacional pa combati informalidad y formalisa economia informal na Aruba den Parlamento, especialista local drs. Jason Lejuez a elabora ariba con e implementacion di e programa nacional aki ta bay tuma luga y kico ta e enfoque di e obhetivonan pa asina cuminsa reduci economia informal na Aruba.**

Lejuez a remarca cu implementacion di e programa nacional ta bay ta un esfuerzo di colaboracion di diferente instancia y sector priva cu tambe ta involucra y pa esaki e comision pa combati economia informal ta bay crea plannan di accion cu ta bay wordo realisa anualmente.

El a indica cu e comision tin e vigilancia di esaki, nan ta bay parti responsabilidadnan y ta bay tin diferente reportahe durante e añanan.

El a splica cu ta bay tin un evaluacion intermedio pa wak si e programa mester wordo cambia of no ya cu e situacion por cambia pa bon of pa miho pa forsanan externo. E fondonan pa implementacion ta bin di e presupuesto di pais Aruba y e comision ta bay wak unda tin otro recursonan cu nan por toca.

El a agrega cu tambe ta bay tin resumennan financiero ya cu tin diferente riesgo cu mester tene cuenta cune pa loke ta trata e instituto financiero, e habilidad pa coordina y tambe pa plania e proyectonan efectivamente.

Lejuez a sigui splica cu ta bay tin un sistema di monitoreo cu ta consisti di indicadornan unda cu cual nan por midi e progreso y evalua cual ta e impacto cu tin. Ademá di esaki ta bay tin e plannan di accion anual cual ta bay wordo publica pa transparencia.

El a indica cu cada aña ta bay tin un cantidad di actividadnan y na final di e periodo cu a pone pa e programa nacional aki, 2027, e idea ta pa cuminsa cu otro periodo. “E ta algo cu na final ta beneficia nos tur ora cu nos tin menos informalidad den e sociedad,” el a remarca.

Esaki, Lejuez a subraya, ta un logro importante pasobra ta prome biaha cu tin un programa asina y na mesun momento, el a agrega, ta importante tambe pa reconece cu e limitacion cu tin den data. El a enfatisa cu pa e motibo ey mester mehora con bon ta compronde e economia informal na Aruba pa asina nan por ta mas efectivo ora cu ta trata e medidanan.

El a splica cu nan ta bay haci un enfoque strategico pa loke ta e programa nacional, pero e plannan di accion anual ta wordo traha pa aña pa asina por logra lo mas hopi posibel cu e recursonan cu tin disponibel.

A traves di e prome obhetivo special, e comision kier mehora e monitoreo di economia informal y e sistema di inspeccion. Pa esaki, el Lejuez a splica, tin indicadornan cu cual lo midi esaki y mehora tambe loke ta trata e indicador di calidad di institucionnan den e Caribbean Investment Climax Index.

Lejuez a indica cu e actividadnan cu nan ta bay haci ta conduci un analisis y inspeccion di capacidad pa traha a base di e resultadonan y pa traha un comision cu lo traha hunto pa asina harmonisa e trabaonan di inspeccion pa probecha e recursonan cu tin pa e oportunidad pa detecta y monitor economia informal bira mas grandi.

El a agrega cu combati propaganda online y seguridad di bienes y servicio di entidadnan no registra



**Editor**

Caribbean Speed Printers N.V.  
 Aruba Bank N.V. Acc. #332668  
 Caribbean Mercantile Bank N.V.  
 Acc. #23951903  
 RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)

Angenette Figuerero (closer editor)

Leo Maduro

Andreina Morillo

Raisa Montilla

Oriana Geerman

**Ehecutivo di Benta**

sulaika.croes@cspnv.com

Sulaika Croes

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**  
 accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)

Pablo Libre

**Press**

Roland Schenker (Hefe)

Omar Ramirez

Martin Boekhoudt

Francis Dirksz

**Colaboracion**

Associated Press

Ret Karibense

Data Key

**Afiliacion**

Sociedad Interamericana  
 di Prensa (SIP)

**DIRECCION**

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

**BON DIA ARUBA** ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

# Stichting Hunto ta oficialmente un realidad: Un simbolo di speransa y inovacion pa Aruba

**Diahuebs atardi a marca un paso significativo den e trabaonan continuo pa un enfoque mas compasivo, inclusivo y efectivo pa cu cuido di salud mental aki na Aruba. Asina Minister di Husticia y Asuntonan Social, Sr. Rocco Tjon a duna di conoce, durante e inauguracion di e edificio di Stichting HUNTO, cual ta un simbolo di speransa y inovacion pa nos isla.**

Pa hopi aña e desafionan di salud mental a domina grandemente den nos comunidad, hopi biaha man den man cu silencio, stigma y escasez di recursonan. E apertura di Stichting HUNTO no solamente ta simbolisa e integracion fisico di locual ta psiquiatria y tratamiento di adiccion bao di un solo dak, pero tambe ta muestra di nos compromiso colectivo pa kibra e bareranan existente pa cu esakinan. E iniciativa aki, cual ta alinea cu e maneho di Ministerio di Husticia y Asuntonan Social, pa mehora accesibilidad pa servicionan di salud mental, ta yuda tambe pa trata e listanan largo di espera cu tin, sigurando cu e yudansa ta disponibel pa esnan den necesidad na momento cu mas nan tin mester di esaki.

Cu e inauguracion di Stichting HUNTO, nos ta para keto pa reconoce e lucha cu esnan cu ta enfrentando problemanan di salud mental y adiccion ta pasando aden. Nos ta reconoce e curashi inmenso cu e ta tuma pa busca ayudo y e resiliencia pa supera e desafionan aki. Stichting HUNTO ta para como un testimonio cu salud mental ta un parti integral di salud general y cu merece e mesun atencion, cuido y recursonan manera cualkier otro aspecto di nos bienestar, segun un comunicado di prensa.

E inauguracion di e edificio di Stichting HUNTO no ta solamente e culminacion di e proyecto aki, pero un principio - un capitulo nobo - aki na Aruba pa un futuro unda cu cuido di salud mental ta accesibel, inclusivo y efectivo pa un y tur. Laga esaki ta un yamada pa accion, pa cada un di nos, pa sigui boga pa conscientizacion di salud mental, pa sostene esnan rond di nos den nan momento di necesidad y pa contribui na un comunidad unda cu ningun hende ta keda atras pa motibo di problemanan di salud mental of di adiccion. Hunto nos a pone e prome piedra pa cambio, pero ta door di nos esfuersonan colectivo e vision aki lo por wordo completamente realisa. Por ultimo, e Mandatario a extende palabranan di gradicimento na tur esnan involucra den haci Stichting HUNTO un realidad. "For di profesionalnan dedica di FMAA y SPD cu a acepta pa uni bao di un solo dak, te na e beleidsmedewerkers y esnan den nos comunidad cu a apoya e causa aki. Boso trabao incansabel, compromiso y dedicacion ta e fundeshi riba cual e iniciativa aki ta para.

"Finalmente, laga nos recorda cu e

salud di nos comunidad no ta wordo midi solamente pa e bienestar fisico di su miembronan, pero tambe pa e forza di su sosten pa esnan cu ta enfrentando desafionan di salud mental y adiccion. Stichting HUNTO ta un bon ehempel di locual nos por logra hunto y nos tin pleno confiansa cu su impacto lo wordo sinti pa e generacionnan cu ta bin.

"Laga nos sigui for di aki cu e compromiso pa sigui sostene, eleva, y cuida cada miembro di nos comunidad, sigurando cu e portanan di Stichting HUNTO no ta djis un entrada di un edificio mas, pero un portal pa un futuro mas saludabel y prospero pa un y tur," segun e comunicado ta finalisa.





## Durante bishita di presidente di Corte Comun di Husticia, Minister di Finanzas a discuti retonan den tereno financiero



Diabierna pasa, Minister di Finanzas, Xiomara Maduro tabata tin e placer di por a ricibi bishita di Presidente di Corte Comun di Husticia, Sr. Mauritsz de Kort hunto cu Sr. Luttge, kende ta encarga cu e parti financiero pa Corte Comun di Husticia.

Segun un comunicado di gobierno, e tabata un encuentro ameno den cual minister

Maduro a repasa un rato e recuperacion di Aruba den e ultimo añanan y a combersa tambe riba e retonan cu tin na e momentonan aki riba e tereno financiero di nos Pais.

Minister Maduro a haci uso tambe di e ocasion pa asina gradici Corte Comun di Husticia pa e solidaridad cu a keda demostra den e añanan 2020 pa 2024 den cual nan a ricibi menos fondo di aporte di parti di Aruba, pa asina

brinda espacio pa nos por a stabilisa e finanzas di nos pais durante y despues di e pandemia.

Na final Minister Maduro como mandatario encarga cu monumentonan di Aruba, a gradici Sr. De Kort y Sr. Lutte tambe pa e hecho cu ta haci uso y ta cuida di e Edificio di Corte cu ta un monumento di nos Pais cu ta cede di husticia na nos Pais ya pa mas di 50 aña.

## Minister president a reuni cu presidente y director nobo di Corte di Husticia di Aruba

Diaranson 15 di februari, Prome Minister Evelyn Wever-Croes a reuni cu Presidente di Corte di Husticia Sr. De Kort hunto cu e director nobo di Corte di Husticia Sr. Luttge. E Corte di Husticia ta pa Aruba, Corsou y Sint Maarten y a pesar cu e Presidente Sr. De Kort ta resorta na Corsou, ta importante pa Aruba ta den contacto cu su persona regularmente.



Sr. De Kort ta un Arubiano y ta ocupa e posicion importante di Presidente di Corte di Husticia y como tal, Gobierno di Aruba tambe tin

bon linea di comunicacion. Sr. Luttge cu ta e director nobo, ave a acompaña Sr. De

Kort durante e reunion pa asina cera conoci cu Prome Minister. Como director di

Corte di Husticia, mescos cu e presidente, e tin di haci cu e Corte di Husticia di Aruba,

Corsou y Sint Maarten.

Segun un comunicado di gobierno, e retonan grandi cu Corte di Husticia ta enfrenta ta retonan cu gobierno actual tambe ta enfrenta y ayera a delibera con por adapta y atende cu esakinan na e miho manera. Un tema hopi importante cu a bin dilanti ta trata e personal cualifica, y riba e tema aki Minister President a expresa su alegria ora el a haya elogio di e trabao di e griffiernan y e personal di corte di Aruba riba e hecho cu nan ta hopi bon prepara y ta cherce un bon trabao.

## Minister Ursell Arends lo ricibi distincion di su alma mater

Segun un relato di portal noticioso Windsor Star, vice-prome minister di Aruba y minister di Transporte, Integridad, Naturala y Asuntonan di Adulonan Mayor, Ursell Arends ta entre seis alumni di St. Clair College cu ta bay ricibi un distincion for di e institucion academico.

Ademas di minister Arends, un wrestler profesional, un lider sindical y un locutor di radio ta entre e recipientenan di e di 31 Premio Alumni di Distincion di St. Clair College, na Canada. "Loke semper ta conmovedor tocante nos Alumni di Distincion no ta djis e exito fenomenal cu nan a disfruta den nan bida profesional, sino tambe con nan a pasa nan conocimiento y habilidadnan como mentor pa sostene e exito di otronan y duna servicio valioso na nan

comunidadnan den maneranan cu no ta relaciona cu nan ocupacion," segun presidente di St. Clair College, Patti France. "Realmente nan ta e miho embahadornan di Saints Nation y tur loke e ta para p'e, academicamente y den sentido di servicio pa comunidad."

Incluyendo e seis persona cu a ricibi e honor e aña aki, e scol a reconoce 137 graduado a traves di e programa Alumni di Distincion desde 1992.

E ganadornan pa 2024 ta inclui presidente di Unifor Local 444, David Cassidy, kende a gradua di e programa di mantencion di construccion electricista na 1991. E ta ricibi e honor den categoria Apprenticeship.

Ursell Arends, vice-prome minister di Aruba, ta bay ricibi e premio pa categoria Business and IT. El a gradua

for di e programa di international business na aña 2005.

Dan MacDonald di CKLW Radio Bell Media Windsor, kende a gradua di programa di periodismo di e scol na aña 2002, ta ricibi e honor den categoria di Media Art and Design.

Presidente y CEO di Aarkel Group, Larry Delaey, kende a gradua na 1989 di e programa di moldmaking technician, ta bay ricibi e premio Tecnologia/Ingenieria.

Chauouki Hamka, lider comunitario pa e MADD (Mothers Against Drunk Driving) pa Windsor/Essex y agente coreccional na Centro di Detencion South West, ta siendo honra den e categoria di Estudionan di Comunidad. Hamka a gradua di e programa di administracion di ley y seguridad na aña 2009.





*Hulanda:*

## Parlamentarionan kier un estudio di scala grandi riba e gradonan di mortalidad excesivo

(NLTimes)—Hopi miembro di e parlamento Hulandes, Tweede Kamer, kier un estudio di scala grandi ser conduci den e causanan di mortalidad excesivo na Hulanda desde 2020. Mas hende a uri cu a anticipa pa cuatro año tras di otro. Un mocion for di partido NSC a ser apoya di antemano pa PVV, BBB, SGP y SP.

Minister di cuida medico demisionario Pia Dijkstra a conseha contra e mocion pasobra e kier a warda e resultadonan di un investigacion den mortalidad excesivo for di 2022 y 2021, cual ta ser spera e zomer aki.

Parlamentario di NSC, Agnes Joseph, a bisa cu 14,000 hende a muri mas cu a spera anualmente pa e ultimo cuatro añanan. Inicialmente, ta parce cu Covid-19 tabata e causa principal di mortalidad excesivo, pero e problema ta sigui hasta despues di e pandemia. “Claramente tin algo otro cu ta hungando un rol.



Esaki ta señala problemanan mas grandi den salud publico. Nos no por laga esaki ser ignora. Nos mester di un investigacion amplio,” Joseph a bisa den un debate parlamentario.

NSC kier sa kico e causanan ta pa e mortalidad excesivo ora e investigadonan mira mas leu cu coronavirus como e causa di morto. E partido kier un investigacion den cuida medico retrasa, como cu hopi hende no a bay hospital of nan dokter durante e pan-

demia di coronavirus y a bay despues. Joseph tambe kier tira un bista na e influencia di e composicion di poblacion cu ta cambiando, como tambe e calidad di cuminda, awa y aire. E investigacion tambe mester inclui e añanan 2022 y 2023, den opinion di Joseph. Dijkstra ta di acuerdo cu Tweede Kamer cu ta esencial pa sa kico ta causando e mortalidad excesivo, incluyendo e morto inespera durante e añanan di pandemia 2020 y 2021. “Nos por siña di

esaki den caso di un otro pandemia.” 20 investigacionnan riba mortalidad excesivo ta andante pa loke ta trata e dos añanan ey, y nan lo ser finalisa rond zomer. E kier warda pa e resultadonan ey.

E minister kier warda prome

cu cuminsa un estudio nobo mas amplio. No solamente pa preveni retrasonan pero tambe pasobra e ta anticipa cu e investigacionnan actual lo provee puntonan di comienso pa un posibel investigacion seguido. E comite aki ta supervisando e investigacionnan actual.

NSC y e partidonan faborando un estudio amplio no kier warda pa esaki tuma luga. Hunto, nan tin 72 asiento den Tweede Kamer, unda un mayoria di 76 ta necesario pa pusha e gabinete den un otro direccion. e parlamento lo vota riba e mocion dia 27 di februari.

Potret cortesia di Tweede Kamer.

## AZV ta presenta modelo meerjaren financieel kader plan pa mantene fondo sostenibel

**Conseho di minister a ricibi un presentacion di Director di AZV, Sr. Edwin Jacobs di e situacion financiero di AZV. A presenta e modelo cu ta yama “meerjaren financieel kader plan” como guia pa mantene e fondo di AZV uno sostenibel pa futuro.**

Den e presentacion ta demostra cu e instrumento aki lo percura pa mantene e

crecemento uno sostenibel y mancha e gastonan di fondo di cuida abou pa keda ofrece e seguro na e aseguradonan pa años cu ta bin.

Aña pasa a sera un acuerdo di Zorgakkord den sector di cuida unda a subraya e necesidad y importancia di tin e meerjaren financieel kader, esaki ta un modelo cu ta pronostica e costonan di cuida te aña 2040, cual ta tuma na cuenta mas cu un total di

2,500 punto di atencion na momento cu ta calcula e entrada y gastonan di cuida. Minister Dangui Oduber ta sumamente optimista cu lo yega na un seguro sostenibel y reposonabel cu e instrument aki e “meerjaren financieel kader” cual ta algo historico pa Aruba y lo profesionalisa e manera di financia cuida na Aruba.



**OPORTUNIDAD  
PA TRABOU  
SPUITDO  
EXPERENCIA PA AUTO**



YAMA  
**582-3055**  
PA MAS INFO

**Sputdo experencia pa auto**  
Prepara auto pa bai spuit na su debido manera.

**EXIGENCIANAN:**

- » FLEXIBILIDAD
- » TRAHA DEN GRUPO
- » TRAHA INDEPENDIENTE Y POR MANEHA STRESS
- » TRES (3) AÑA DI EXPERENCIA MINIMO
- » EDUCACION MINIMO EPB TECHNIEK ONDERHOUD
- » RIJBEWIJS B
- » CONOCIMENTO DI INGLES, HULANDES Y SPAÑO
- » UN DECLARASHON DI SALUD
- » PAPEL DI BUENA CONDUCTA (NO MAS BIEU CU 1 AÑA)
- » PERMISO DI TRABOU VALIDO

**BENEFICIONAN GENERAL:**

- » UN SALARIO FIHO, BASA RIBA EXPERENCIA
- » UN SISTEMA DI INCENTIVO MENSUAL Y OTRO
- » BENEFICIONAN SECUNDARIO
- » UN CLIMA DI TRABOU AGRADABEL DEN UN AMBIENTE DINAMICO

Interesa? Pa mas informacion tuma contacto cu nos via email na [hrrm@jolleyholding.com](mailto:hrrm@jolleyholding.com) of jama (297) 528 9550. Tur informacion ta wordo manteni confidencial.

**ACARUCAR**  
BODY SHOP



## Buskeda pa un turista perdi na Porto Marie Beach

**(CuraçaoChronicle) - Autoridadnan actualmente ta activamente buscando un turista perdi den e area di Bandabou. Segun e reportahenan di polis, e persona perdi ta un turista masculino di 71 año.**

Na momento di bay for di Porto Marie Beach, a ripara cu e no tabata presente mas.

Varios autoridad, incluyendo warda costa, a ser mobilisa pa cuminsa cu e buskeda. Na e momento di e disparicion, un alerta geel di tempo tabata den efecto pa lama bruto.

Pa diabierna mainta, ainda no tabatin informacion ni señal di e turista Mericano perdi. E tabata cu un grupo na e lama, cual a dicidi di bay snorkel

apesar di e lama bruto.

E buskeda a sigui cu unidadnan di Warda Costa cu awo 'The Cutter', e dinghy 'Rhib,' e aeronave Dash, jet ski di warda costa y patruya riba tera a uni na e buskeda. Te cu awo, e turista perdi no a ser haya.



## Hues ta reprocha Sylvania fuertemente

**(CuraçaoChronicle) - Minister Javier Sylvania di Salud Publico a ricibi un reproche fuerte di e hues den caso di un partera. Segun e minister, e no tabata permiti establece su mes libremente na Corsou sin embargo politica di gobierno cla y publica of un curso di accion stipula no ta implementa.**

E veredicto ta enfatisa e minister su falta di preparacion y falta di motivacion den rechasa e peticion pa establece su mes.

Lysanne Dijkstra-Van Hei-

jningen, ken a establece su mes na Corsou for di Hulanda den año 2011, kier eherce su profesion como un partera riba e isla. Sin embargo, a causa di un prohibicion riba e establecimiento di profesionalnan medico, e mester a ricibi un excepcion for di e minister, cual a ser nenga a base di "politica nobo" di año 2017 cu no a ser especifica ni tampoco publica.

Corte a haya cu e minister no ta adecuadamente motiva e rechaso y no tabata suficientemente prepara pa e aplicacion. Refiriendo na un politica cu no a especifica y no a

publica no ta un motibo suficiente pa e decision aki. Adicionalmente, no tabatin evidencia cu e supuesto politica di concentracion, cu e meta di centralisa cuida di partera na e clinica di maternidad, a consistentemente ser aplica y te hasta considera un politica vast door di e minister.

Corte a establece cu e politica di e concentracion den cual Maternity Clinic ta hunga un rol central no ta bini for di e minister sino for di e organizacion di impementacion

SVB. Pa e motibo aki no ta clasi e minister tambe ta sigui e politica di concentracion aki.

No tin evidencia tampoco di un aplicacion consistente di esaki den situacionnan similar. E caso menciona pa Dijkstra-Van Heijningen, L. Visser den cual un excepcion a ser otorga, ta sirbi como un contradiccion di esaki. E Minister su argumento cu e caso aki no ta comparabel a pa motibo cu Visser su caso ta trata un emergencia a ser contradeci pa Dijkstra-Van

Heijningen. Segun Lysanne Dijkstra-Van Heijningen, su caso tambe ta trata un emergencia. Pa sostiene su posicion, el a señala na un estudio recien haci pa Netherlands Institute for Health Services Research (Nivel). E ta demostra cu tin un escasez significativo di partera na Corsou.

Como resultado di esaki, Corte a anula e decision aki y a instrui e minister pa tuma un decision nobo riba Dijkstra-Van Heijningen su peticion dentro di 4 siman, tumando na cuenta e consideracionnan di e veredicto. E minister mester clarifica si y con un politica existente ta aplica y con Dijkstra-Van Heijningen su situacion ta relaciona na e guianan delinea den e ordenansa nacional tocante restriccion di e establecimiento di profesionalnan medico.



## Ley nobo di wega di placa na Corsou; Interes di hungadornan ta den riesgo

**Curaca Chronicle) - E Landsverordening op Kansspelen (LOK) recientemente introduci a causa controversia na Corsou. Stichting Belangenbehartiging Gedupeerden Online Kansspelen (SBGOK), cua ta boga pa e derechonan di hungadornan di casino online, a expresa su preocupacionnan.**

Den un carta manda na e parlamento di Corsou, e fundacion ta critica e legislacion nobo pa negligencia e interes di e hungadornan, resultando den e ausencia di mecanismo di proteccion esencial. Segun SBGOK, LOK no ta implementa limitenan reconocidos internacionalmente pa su hungadornan y opcionnan di

exclusion propio, crucial pa preveni adicion na wega di placa. Un preocupacion particular ta e prohibicion nobo di transferi e hungadornan su acusacionnan y reportahenan na organizacionnan manera SBGOK, cual ta haci un desafio mas grandi pa e hungadornan afecta por busca husticia. Esaki ta especialmente problematico pa hungadornan den exterior cu ta enfrente bareranan legal na Corsou.

E fundashon tambe ta expresa preocupacion tocante e consehero di Minister di Finanzas, ken aparentemente tin lasonan na Irlanda y Dubai. Esaki ta trece dilanti preguntanan tocante e motibonan tras di e minister su biahe na Dubai. SBGOK su investiga-

cion ta sugeri cu e consehero ta hunga un rol central den atrae companianan nobo di wega di placa na Corsou, cual ta trece duda riba e transparencia y integridad di e proceso di licencia.

SBGOK ta urgi parlamento considera e minister responsable y haci amienda na e legislacion pa sigura e proteccion y derechonan di hungadornan.



### MARAVILLAS DE LA FE

#### PA BO SALUD

Bo ta sufri di malesanan no curabel, stranjo of no natural? Bo ta bay dokter y no por cura bo?

Na MARAVILLAS DE LA FE bo ta bay cura di tur malesanan cu hende malo ta hasi pa bo. Bo ta victima di bruheria? Bolo kier sa dicon bo ta sintibo malo? Bolo kier sa dicon bo ta haya dolo di curpa, dolo di cabes, migran artritis, dolo di bariga, reumat, diabetico, prostat, stres, preshon, angustia, impotencia sexual, alcolista, adikshion, corda: E maldad ta existi, bo kier sa dicon bo ta bebe remedi y bo no ta cura?

Awel!! awor aki ta e momento pa bo wak si bo malesanan ta natural of ta di un maldad. Aki nan MARAVILLAS DE LA FE bo ta wak e resultado, bo ta bay cura di bo malesanan. Pa haya un cita skibi bo nomber, bo fam, fecha di nacemento y nos ta bai bisa bo tur cos cu ta pasando den bo bida, nos ta lesa carta di tarot e cita ta gratis nos ta kibra tur maldad cu ta existi, bolo tin pa wak pa bo kere yama awe mes na 7485671

**Comunica na 748 56 71**



## 13 hende deteni despues di protesta di gruponan Eritreo na Den Haag

(NLTimes)—13 hende a ser deteni despues di e protestanan relata na un reunion di e comunidad Eritreo na e centro di conferencia Opera na Den Haag diasabra anochi. Polis Hulandes a anuncia ayera atardi cu seis polis a keda herida.

E sospechosonan deteni ta hende hombernan entre e edad di 19 y 36. Segun e vo-

cero policial, nan ta di nacionalidad Hulandes of Eritreo te cu ta conoci. E confrontacion diasabra anochi tabata entre Eritreonan pro-gobierno y anti-gobierno, manera polis y e municipio a reporta.

Un protesta a surgo como cu un di e partidonan a yama pa un reunion na e Opera, na cual oponentenan tambe a presenta, polis a reporta. Durante e protestanan aki, pic-

dra, klapchi y otro obhetonan a ser tira riba agentenan policial, trahadonan di emergencia y bombero.

Dos polis a sufri di herida na nan man. Un otro polis a haya herida na s djente. Ademas, un polis a ser herida pasobra e dal e cu auto di polis. Un otro polis tambe a bira malo ora a lansa gas lacrimogeno. “Nos coleganan a ser confronta cu violencia intenso y serio,”



segun Comandante General Mariëlle van Vulpen.

“Ta un lastima cu coleganan a ser herida y cu otro polis a ser asalta severamente, cual ta

inaceptabel. Hunto cu ministerio publico, nos ta conduciendo un investigacion extensivo den e incidente aki.”

Potret cortesia di PolitieNL.

## Gobierno Hulandes a cancela 887 miyon euro di debe pa mayornan cu beneficio di mucha



(NLTimes)—Gobierno Hulandes a tuma over of a cancela 887 miyon euro di debe y atrasonan di pago for di mayornan, mayoria di cual ta relata na e debe cu a cay victima di e scandal di beneficio nacional. Aproximadamente 160 miyon euro a ser paga pa creditornan priva via Sociale Banken Nederland, segun secretaria di estado Aukje de Vries a reporta den e rapport di progreso tocante e campaña di compensacion pa e victimanan.

E situacion a ser causa pa e implementacion di un algoritmo na Belastingdienst, cual mester a identifica mayornan cu tabata gañando e sistema di beneficio. Sinembargo, e algoritmo a resulta den miles di mayornan falsamente acusa di a comete fraude contra e sistema, cu casi ningun opcion pa apela. Ora e mayornan a ser acusa, nan beneficio di cuidio infantil a ser kita, y nan tabata forsa pa paga e gobierno un suma grandi pa tur e beneficio ricibi den pasado.

E situacion a pone hopi mayornan den atraso financiero pa un tempo extendi. E standard di e algoritmo tampoco

a ser critica, como cu e por a considera un hende na riesgo di fraude a base di nacionalidad. Personalnan di belastingdienst frecuente ta ser ignora of zundra ora nan trece preocupacionnan tocante e sistema dilanti.

Un parti grandi di e debenan cancela ta bin for di e programa di beneficio mes. Casi 326 miyon euro a ser anula pa e Autoridad di Impuesto, Departamento di Beneficio y Inmigracion. Casi 350 miyon euro a di e debe cancela tabata hopi halto na DUO, cual mayormente ta mancha debenan di estudiante.

Parti di e debe total tabata halto na CAK, cual ta colecta contribucionnan pa cuidio di cas, entre otro. Un suma chikito (aproximadamente 142,000 euro) a ser cancela for di e Oficina Nacional pa e Coleccion di Contribucionnan di Mantencion. Ademas di e mayornan, ex-mayornan tambe por haya nan debe cancela.

Den su rapport di progreso, de Vries tambe a reporta riba progresonan relata na reparacion: ta parce cu e medidanan prome ta tumando efecto, como cu e evaluacion completo di e documentonan di

e victimanan ta ser completa mas lihe. Un tiki menos di 68,000 hende cu a bin dilanti como victima y a pasa un prome test a ser reconoci

como victimanan.

Pa casi tres kwart di nan, un evaluacion comprensivo a ser conduci, cual ta muestra con

e compensacion lo ser duna. Casi 84,000 hobennan victima tambe a haya apoyo financiero, e yamado beneficio di mucha.

**BIG 4**  
**BO CHENS DI GANA MAS!**  
**MULTI-X**

<b>PICK 4</b>	x2	x3	x5
Afl. 5.000,-	Afl. 10.000,-	Afl. 15.000,-	Afl. 25.000,-
<b>PICK 3</b>	x2	x3	x5
Afl. 700,-	Afl. 1.400,-	Afl. 2.100,-	Afl. 3.500,-

\* Ora un bala FP sali y bo a match e numbertan, bo ta gana e premio y bo ta den wega atrobe!

**Lotto**  
Cambiando bida...

www.lottoaruba.com



## Mayorkas ta reuni cu lider Guatemalteco despues di huicio politico den Congreso pa inmigracion

(AP) — **Secretario di Seguridad Nacional Mericano, Alejandro Mayorkas a reuni diasabra cu presidente nobo di Guatemala, Bernardo Arevalo y a discuti migracion regional, seguridad y economia den e pais Centro Americano, nan a bisa.**

E reunion na Conferencia di Seguridad di Munich a yega algun dia despues cu Congreso Mericano controla pa Republicanonan a vota pa impeach Mayorkas pa e maneho di e administracion di migrantenan na frontera sur di Merca. “Guatemala ta un aliado clave di nos den desaroyo economico regional, maneho di

migracion hemisferico, combatimento di crimen transnacional y hopi mas,” Mayorka a skirbi den un post riba X diasabra.


Merca a pusha aliadonan den America Latino, manera Guatemala, pa pone barera pa slow migracion bayendo nort. Tambe a busca pa adresa causanan raiz di migracion for di paisnan manera Guatemala, cu a mira cienmiles di su propio ciudadanonan migra pa Merca cada año.

Mientras cu arestonan di Patruxa di Frontera Mericano a reduci na januari, como 50% di e record di 249,735 na december, inmigracion ta keda un prioridad top pa adminis-

tracion di Biden y votadonan na caminda pa eleccion 2024.

Diasabra, tanto Mayorkas como Arevalo a reafirma nan compromiso pa colabora riba asuntunan den continente Americano. “Hunto nos ta bay traha pa seguridad y bienestar di e region,” Arevalo a skirbi den un post riba X.

E reunion tambe ta yega despues di un par di luna tumultoso pa Arevalo. E lider a presenta un menasa contra e elite di e pais cu pa largo a beneficia di nivelnan halto di corrupcion y impunidad na Guatemala, algo cu administracion di Biden a bisa a contribui na migracion. Arevalo y su Partido Mov-



imiento Semilla a enfrenta olanan di atake hudicial durante su campaña di eleccion y despues di su eleccion, cual a genera preocupacion democratico na e region y a pone

administracion di Biden impone sancionnan riba un cantidad di oficialnan cu ta bisa a busca di “mina e transicion di poder pacifico di Guatemala.”

## Mexico: Miles ta protesta contra presidente y partido den gobierno

(AP) — **Miles di manifestante bisti na ros a marcha door di ciudadnan na Mexico y den exterior ayera, den loka nan a yama un “marcha pa democracia” contra e partido gobernante di e pais pome cu eleccion dia 2 di juni.**

E manifestacion convoca pa partidonan di oposicion Mexicano a boga pa eleccion liber y transparente den e nacion Latino Americano y a critica corrupcion apenas algun dia despues cu candidato presidencial Claudia Sheinbaum oficialmente a anuncia



su candidatura bao di partido gobernante di e pais, Morena. Sheinbaum ta ser mira ampliamente como un candidato di continuacion di e lider altamente popular na Mex-

ico, Andres Manuel Lopez Obrador. E ta adora pa hopi votador cu ta bisa cu el a saca e partidonan elite di e pais for di poder na 2018 y ta representa e clase trahador.

Pero e presidente populista di 70 año di edad tambe a keda acusa di haci movidanan cu ta pone democracia di e pais den peliger. Año pasa, e lider a corta fondo pa agencia electoral di e pais, Instituto Nacional Electoral, y a debilita supervision di gasto di campaña, algo cu cabesante di INE a bisa cu por “resulta venenando democracia mes.” Color di e agencia, ros, a ser usa como un simbolo pa e manifestantenan.

Lopez Obrador tambe a ataca periodistanan den sesionnan informativo di varios ora largo, frecuentemente a ataca

hudiciario Mexicano y a bisa cu huesnan ta parti di un conspiracion conservador contra su administracion.

E marchanan a keda organisa den centenares di ciudad na e pais, y na otro ciudadnan na Merca y Spaña.

Asina mes, e presidente ta keda altamente popular y su aliado, Sheinbaum ta parece cla pa facilmente alcanza e presidencia. E ta liderando encuesta cu un aplastante 64% riba su competencia mas cercano, Xochitl Galvez, kende a haya 31% di voto den encuesta.

## Nicaragua ta shut down asociacion di scout y varios otro grupo social y religioso

(AP) — **Gobierno Nicaraguense a shut down e organizacion di scouting di e pais y siete otro organizacion no-gubernamental (NGO), segun medio estatal La Gaceta a reporta diabierna, den lo mas reciente di un atake cu a mira gobierno expulsa ordenan religioso, y gruponan civico y caritativo.**

Minister di Interior, cu ta regula e operacionnan di NGO den e pais Centro Americano, a bisa cu e Asociacion di Scout di Nicaragua supuestamente a faya di reporta estadonan financiero y a acusa nan di tin un hunta di director “caduca” cu gobierno no a renoba desde september

2021. Activonan di e ocho organizacion – di cual cuatro ta religioso – ta bay keda confisca pa gobierno Nicaraguense, segun La Gaceta.

Desde cu protestanan social masivo a explota na 2018, gobierno di Daniel Ortega a shut down of ilegalisa mas cu 3,500 NGO, di cual mayoria a keda cera den ultimo dos año.

Aumento den restriccionnan a duna impulso na e salida di cienmiles di Nicaraguense for di nan pais, cu hopi di nan yegando Merca y pais bisina Costa Rica.

Algun ora despues cu a anuncia e clausura, Departamento

di Estado Mericano a anuncia un ronda nobo di sancion riba “mas cu 100 oficial municipal” na Nicaragua, cu ta controla pa e partido gobernador, e Frente di Liberacion Nacional Sandinista.

Maske e no a identifica e sancionadonan, vocero di Departamento di Estado, Matthew Miller a bisa riba X, cu nan visa di entrada pa Merca ta restringi “pa nan rol den e regimen Ortega-Murillo, cu ta reprimi voznan Nicaraguense y inhumamente ta detene individuonan cu curashi cu ta sosten un sociedad civil liber.”

E Scoutnan tabata operando na e pais desde 1979, año di e



revolucion Sandinista. Directornan di e organizacion no a comenta riba e clausura.

Bao di e slogan “construyendo un miho mundo,” nan a dedica esfuerço special pa promove scouting, un movimiento hubenil cu ta boga pa un educacion comprensivo y ta curasha contacto cu naturalesa.

E otro organizacionnan ta inclui gruponan Catolico,

Evangelico y Jesuita, un grupo universitario di salud y ciencia, y un club rotario.

Ministerio di Interior a bisa cu e gruponan a faya den entrega estadonan financiero y “no a promove politicanan di transparencia den nan uso di fondo, lagando incierto si nan proyectonan tabata cumpli cu nan obhetivo y proposicionan.”



## Cuba: Diaz-Canel no ta perde speransa di haya na bida e dokternan Cubano secuestra na Kenya na 2019

**(CiberCuba) – Mandatario Miguel-Diaz-Canel a afirma cu e no ta perde speransa di haya na bida e dokternan Cubano, Landy Rodriguez y Assel Herrera, secuestra na Kenya na 2019, despues di rumor nan di nan morto.**

“Mi ta expresa mi solidaridad y afecto na e famianan di nos dokternan Assel y Landy, na e momentonan aki di incertidumbre y dolor grandi, door di e noticianan tragico, cu ainda no ta confirma, y riba cual nos ta trahando duro cu autoridadnan internacional pa trece aclaracion,” el a publica ariba su cuenta di X.

Despues di celebra e misionnan medico internacional di e regimen - “nan ta representa e spirito noble y generoso di un pueblo cu ta comparti hasta loke nan no tin cu e humildenan di e tera” - e gobernante a afirma cu Cuba no ta perde e speransa di haya nan na bida.

“Asina nos ta bay haci’e mien-



tras cu no ta existi confirmacion oficial cu nan a fayece,” el a señala.

Den e ultimo oranan, e grupo Al-Shabaab a informa a traves di su canal di Telegram ariba e morto di e dos dokternan Cubano, e ciruhano Landy Rodriguez y e dokter general Assel Herrera, secuestra na Somalia desde 2019.

Segun e informacion divulga pa e militanan di e organi-

sacion Arabe, Rodriguez y Herrera a fayece diahuebs pa un atake di avionnan no tripula di Merca den e ciudad di Jilib, fortificacion di e militantenan di e grupo terrorista Al-Shabaab.

E publicacion di e milicia jihadista a wordo comparti ariba Telegram y ta inclui dos potret cu ta perse di ta e curpa sin bida di Herrera Correa.

Tocante e hecho e Ministerio

Cubano a omiti un mensahe ariba nan cuenta di X, bisando cu e informacionnan ariba e morto di e dos dokternan Cubano no a wordo confirma y cu e autoridadnan Cubano ta mantene comunicacion permanente cu su contrapartinan di Kenya y Somalia, y cu e pueblo lo wordo informa inmediatamente.

Sinembargo, e Minister di Salud Publico di Cuba a comunica cu e familiarnan di

e dokternan pa bisa nan cu probablemente e noticia ta berdad.

“Nos ta desespera. E Minister di Salud a yama nos pa bisa nos cu tabatin un bombardeo y cu ta posible cu nan ta morto, pero cu no tin nada confirma,” un familiar a bisa, cu a pidi pa keda den anonimato.

E dokternan Cubano a wordo secuestra na arpil di 2019. Nan tabata forma parti di un grupo di un centenar di profesionalnan Cubano cu a yega Kenya na 2018. Nan tabata mobilisa den un convoy pa e hospital di Mandera protegi pa bodyguards arma ora cu nan a wordo intercepta despues di un tiramento den cual un di e polisnan cu tabata proteha nan a fayece.

For di e tempo ey, e Gobierno di Kenya a sigura cu nan tabata haci gestionnan pa rescata nan, pero e esfuersonan no tabata exitoso.

## Haiti: Segun rapport, arma usa na Haiti ta bini di Merca

**(DiarioLibre) – Un rapport di Instituto di Educacion Superior den Formacion Diplomatico y Consular (Inesdyc) di e Ministerio di Relacion Exterior (MIREX), realisa entre añanan 2021 y 2023, a revela cu parti di e contrabanda di droga y arma di candela cu tin na Haiti ta bini den su mayoria for di Merca y ta comercialisa den proporcion abao na Republica Dominicana.**

E rapport ta indica cu e arma y municionnan ta drenta Haiti via tera y lama, y e droga ta drenta via wafnan maritimo, aeropuerto y a traves di puntanan fronteriso cu ta wordo vigila masha poco of cu no ta wordo vigila mes.

E mayoria di e armanan ta wordo adkiri pa miembronan di bandanan delincuente Haitiano y residentenan particular a traves di terceros cu ta importa nan for di e pais Mericano y otro nacionnan.

E documento ta precisa cu e trafico di arma for di Haiti pa Republica Dominicana ta casi no existente den e provinci-



anan fronteriso desde e morto di ex presidente, Jovenel Moise, dia 7 di juli di 2021 y pa e aumento di e bandanan organisa.

Den e rapport Fragilidad, Resiliencia, Desasroyo y Inversion (Fredri), publica recientemente, a cita cu durante año 2022 e Cuerpo Especializado de Seguridad Fronterisa Terrestre (Cesfront) a

confisca 22.160 municion pa armanan di candela cu tabata transporta pa Haiti.

Di mesun manera, un documento publica pa e Organizacion di Nacionnan Uni (ONU) titula Mercado Criminales en Haiti (2023) ta señala cu funcionarionan di aduana Haitiano ta intercepta periodicamente contrabandanan e frontera, incluyendo

armanan di candela mescla cu productonan di alimento manera bonchi, hariña y aros.

“Nos a confisca armanan di candela y municion den pasonan fronteriso manera Pedernales y Dajabon, na Republica Dominicana, y Bel-laderem Malpasse y e zona franca di Codevi, na Ouanimthe (Haiti). E alcance di e trafico fronteriso ta parce

di ta relaciona cu e presencia policial y di aduana, como tambe cu e grado di control di e bandanan,” e estudio di Inesdyc ta bisa.

E investigacion ta revela con e trafico di droga ta wordo ehecuta for di Haiti pa Quisqueya: “E trafico ta sucede usando diferente medianan: vehiculonan di motor, brommer y animalnan di carga.”

E actividad aki ilicito ta wordo produci normalmente den oranan di anochi laat, ora cu nan ta usa vehiculonan manera truck y busnan, e mercancia ta wordo scondi den cahanan.

Den caso di embarcacionnan, nan ta wordo realisa a traves di e Lago Azuei usando embarcacionnan chikito cu ta move e producto for di Port au Prince te cu e comunidad Haitiano La Cuarenta.

Ora cu nan ta usa animalnan of nan ta pasa e droga na pia, e mercancia ta wordo transporta for di Haiti te e zonanan di El Limon, Puerto Escondido, J. Pueblo, Los Pinos del Eden y Tierra Virgen.



# Con Ziggy Marley a yuda pone autenticidad na ‘Bob Marley: One Love’



(AP) - Hendenan tabatin tempo caba bayendo cerca Ziggy Marley y su famia durante ananan cu ideanan di e genero reggae Bob Marley su bida den un pelicula pero esaki nunca a sinti corecto, te algun ana atras ora cu nan a dicidi cu nan mes lo instiga esaki.

“E tabata un sentimento,” Ziggy Marley a expresa tocante trece su tata su bida na pantayanan den un entrevista recien. “Nos a explora esaki sin sa cu e ta algo cu definitivamente nos kier a haci pa

motibo cu nos kier a sigura cu e personanan cu ken nos lo haci esaki tabata e hendenan corecto. Hende cu ta respecta loke nos kier haci, e cultura y e autenticidad cu nos tabata kier.”

E biaha aki, el a conta, nan a haya e partnernan corecto. Pero e tabata un riesgo pa tur hende; Pa Paramount Pictures y e otro productornan, kendenan kier honra e memoria di Bob Marley y su mensahe cu preocupacion tocante ki lo pasa si nan no logra haci esaki; Pa Kingsley Ben-Adir bistiendo e sapatonan di un icono; Pa e famia y e

amistadnan kendenan mester a mina nan memorianan pa e pelicula su storia intimo y pa un director, Reinaldo Marucs Green, ken mester a trece tur esaki hunto.

Senalnan di comienso ta sugeri cu el a funciona. Bob Marley: One Love tin solamente algun dia desde cu el a ser lansa sinembargo ya caba ta creando olanan na cinemanan. Den su prome dia so el a genera 14 miyon dollar den Norte America, un record pa un debut den e siman cu Valentines Day. Desde diadomingo, e pelicula a genera 80 miyon dollar globalmente.



Aunk e criticanan y comentaronan ta mescla, e cumpradornan di entrada a responde cu entusiasmo dunando e pelicula un puntuacion exitoso den encuestanan.

“E ta un premio di loke nos kie ra haci,” Mike Ireland, co-president di Paramount Motion Picture Group a comenta. “E audiencia ta e hues ultimo di tur pelicula y di tur loke bo crea pa lansa den mundo. Pa nan responde di e manera aki ta fantastico.”

E pelicula ta enfoca riba un periodo specifico di Bob Marley us bida, for di ana 1976 te ana 1978. Durante e tempo aki di problemanan politico na Jamaica, e leyenda

di reggae a sobrevivi un intento di asesinato, a produci su album seminal “Exodus” den un exilio di 18 luna na London, a ser diagnostica cu cancer y a bolbe back Jamaica pa reuni cu su famia y crea e famoso concierto “One Love.”

E storia y guion a ser crea cu storianan di Ziggy Marley y e leyenda su viuda, Rita Marley, kende a ser interpreta den e pelicula pa Lashana Lunch y otronan cu a conoce e difunto leyenda tambe. Nan a graba na Reino Uni y Jamaica, unda nan a traha cu localnan tanto dilanti y detras di camara, unda cu varios tabatin lasonan sea personal of via-via cu Bob Marley.

**Limpi Limpi**

FEBRUARI 24 – DI 7’OR PA 11’OR DI MAINTA

**BAKI DEN BARIO NA CENTRO DI BARIO PLAYA PABAO**

**LIMPI.AW**

**ANUNCIO**

SETAR ta informa orario adapta pa su Teleshopnan:

- **Diamars 20 di februari 2024** tur Teleshop ta habri 10.00 am.

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of WhatsApp na 597-9999.



# Savaneta a despedi di Carnaval 70 cu sesion fotografico di su reinanan



Recientemente Fundacion Savaneta Prome Capital a haci un sesion fotografico di Reina nan di Carnaval di Savaneta di antes y di Reina nan Fundacion Savaneta 2024 pa despedi di Carnaval 70.

Fotografo Michael Arends, como tambe Nevin Henriquez, a keda encarga di saca e potret historico di e Reina nan. E prome Reina Hubenil di Savaneta na 1962, Sra. Elsa Beaujon-de Kort, tambe tabata presente. Famia y amistasdes di e Reina nan tambe a

saca potret cu nan. Despues di hopi aña Savaneta tabata bek den Carnaval cu nan Parada di Mascarada.

Fundacion Savaneta Prome Capital kier a gradici tur esnan cu a yuda pa e Parada di Mascarada ta un exito total.

## Career Opportunities

**Caribbean Mercantile Bank N.V. a member of the Maduro & Curiel's Group of banks, in order to accommodate growth and to better service our existing customers, is taking applications for the position of:**

### DOCUMENTATION & SCANNING CLERK

The Documentation & Scanning Clerk is responsible for the overall coordination of activities of the Optical Document Imaging (scanning), of the filing and maintaining the completeness of the account documentation file and ensure accurate preparation and retrieval of documents in accordance with prescribed procedures and instructions while maintaining a proper administration.

The Documentation & Scanning Clerk has the ability to maintain a high level of discretion when dealing with sensitive/confidential information and ability to establish priorities, to organize, plan and execute workloads independently.

#### Professional requirements:

- Secondary Education
- Previous experience in a similar position requiring maintenance of proper administration is preferred.

#### Candidate Profile:

- Communication skills including fluency in English, Dutch & Papiamentu writing and speech.
- Expert PC skills using common software tools to access and communicate within the Bank (Word, Outlook, Excel).
- Ability to handle all matters in a confidential and professional manner.
- Punctual, self-motivated and a team player.
- Display and maintain a high degree of integrity.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: [HR@cmbnv.com](mailto:HR@cmbnv.com) by February 21, 2024.



## Atrobe otro victima a cay ora cu a bay bende su celular riba caya

**Diasabra atardi un persona cu kier a bende su celular cu un persona desconosi a palabra cu nan lo topa banda di e pompstation di gasolin na Santa Cruz.**

Un bes cu e supuesto cum-

prado a haya e celular pa inspeccion sin sikiera paga un cen, esaki a core bay subi un auto Toyota Passo y bandona e sitio cu e celular. Mesora a avisa autoridad y e informe di e auto cu descripcion di e sospechoso a ser traspassa na e

patruiyanan riba caya y a para e auto indica y a haci e detencion na Tanki Flip. Supuestamente e no ta esun cu a bay cu e celular, pero anochi si nan a detene esun cu a core bay; nan a detene prome cu el a bandona Aruba.



## Chauffeur di pick-up a bay lora na man robes sin a duna polis cu bayendo cu urgencia preferencia



**Diasabra atardi un patruiya di polis bayendo pa un asistencia di emergencia a bay pasa un pick-up pero esaki a bira su dilanti y e patruiya a bay dal den e pick-up y nan dos a bay dal den otro dos auto cu tabata staciona.**

Un persona cu a caba di baha for di un di e autonan staciona a core hala pero asina mes un auto staciona a dal e persona bent'e abao. Debi na e fuerte impacto y aunke airbagnan a deploy toch e polisnan a resulta levemente herida. Alto Comisario Ra-

mon Arnhem tambe a presenta na e sitio y a papia cu esnan involvi y tambe e victima cu a caba di baha for di su auto y door di e accidente tambe a haya sla pero despues di e susto el a recupera.


## “Hydraulic hose” di un truck di Serlimar a rementa y a spart azeta na monton banda di Bakval

**Diasabra madruga a drenta informe di cu un truck di Serlimar a basha monton di azeta riba caminda na Bakval, mesora a dirigi**

**un patruiya na e sitio.**

Na yegada di e patruiya a bin compronde cu un “hydraulic hose” a rementa y e azeta a

plama riba caminda. Pa evita cu e por causa peliger den trafico a basha santo riba dje pa asina absorba e azeta.



## Polis a para chauffeur cansa coriendo cu velocidad halto y malo

**Diasabra madruga na Palm Beach polis a nota un pick-up coriendo cu velocidad halto y malisimo, mesora polis a bay su tras y a par'e pa atende**

**cune.**

A bin resulta cu e chauffeur ta basta cansa y hambra. E chauffeur a bisa polis cu el a bin pa compra un cuminda na e truck y despues pa e bay

su cas. Polis a hala su atencion pa e coremento cu velocidad halto y a bis'e pa e yama busca un hende pa stuur p'e pa bay su cas.



## Truck di Serlimar a hit & run spiel di bus di Arubus

**Diasabra madruga a drenta informe di un accidente na Caya Jose Geerman, mesora a dirigi un patruiya na e sitio.**

Na yegada di e patruiya a bin compronde cu aki ta trata di

un accidente hit & run unda un truck di Serlimar a pasa dal e spiel di e bus di Arubus y a sigui core bay. Polis a tuma e declaracion for di e chauffeur y a keda di bay atende cu Serlimar pa e chauffeur cu a hit & run.





# Alhambra

## CASINO AND SHOPS

Serving our guests for over 38 years, Alhambra Casino is the leader in providing excellent customer service and invites qualified applicants to join the team. Alhambra Casino team members enjoy competitive pay and a fun work environment

**We are accepting applications for the following positions!**

**We Offer:**

- Pleasant work atmosphere.
- Competitive salary.
- Attractive benefits.
- Opportunity to grow in the company.

### Cleaner (Male / Female)

**Job Requirements:**

- Basic Knowledge of English, Spanish and Dutch.
- Able to work shifts, weekends and Holidays.
- Good communication skills.
- Preferable some experience with chemicals and cleaning products.
- Outgoing Personality.
- Team work.

### Security (Male)

**Job Requirements:**

- Must be able to prepare reports.
- Serious person and flexible with schedule.
- Knowledge in computers and Outlook is a plus.
- Good communication skills.
- Must be in good physical condition.
- Able to work all shifts, weekends and on holidays.
- First Aid and CPR knowledge are a plus.

### Assistant Table Games Manager

**Job Requirements:**

- Minimum 5 years in managerial experience with Strong leadership and supervisory skills, with the ability to motivate and manage a team.
- Extensive knowledge and experience in casino game operations, rules, and procedures.
- Knowledge of all games.
- Strong math skills.
- Excellent customer service and organizational skills.

**Job Responsibilities:**

- Monitors games to ensure integrity and compliance with established policies, procedures and Gaming Guidelines.
- Maintains and replenishes bankrolls.
- Responsible for verifying fills, credit slips, opening and closing slips and markers pertaining to games in assigned area.
- Monitors, evaluates and records customer's gaming activities for rating purposes
- Other job assignments as requested by management.

### Cage / Vault Supervisor

**Job Requirements:**

- High School with at least 5 years of practical Casino Cage experience, and/or comparable industry.
- Computer skills should include experience with a generalized accounting software application, windows-based spreadsheet and word processing.
- Problem solving ability and aptitude for leadership.
- Must possess good computer skills with knowledge of Microsoft Word and Excel.
- Knowledge of all policies and procedures.
- Must assist and give direction and moral support to the staff.
- Supervisor is the initial intermediary between staff disputes.
- Must be able to handle irregularities in the cage.
- Periodically, training of fellow employees will also be required.
- Keeps an accurate count of all incoming and outgoing transactions.
- Will make sure all copies are made and maintained to support summaries and reconciliation.
- Other job assignments as requested by management.

Apply in person from Monday through Friday at the Human Resources Office, from 8:00 a.m. - 4:00 p.m. or email: [J.Geerman@divisino.com](mailto:J.Geerman@divisino.com)  
Attn. Ms. Jane Geerman - Human Resources Manager. **Please bring picture**  
**Valid Government ID required.** \* You will be required to take a drug test, before hiring \* Must be Aruban Citizen

Polis a para un auto cu tabata core malo y a bin resulta cu e chauffeur ta burachi y a detene



Diadomingo anochi durante patruya banda di ex-Drive Inn polis a nota un auto coriendo malo y a Polis a nota cu e chauffeur tabata bebi y a pon'e test a bin resulta cu ela surpasa e limite y a keda deteni.

Polis ta sigui cu control den trafico



Diabierna mainta polis atento a para un auto den Emanstraat. E patruya a para e auto aki cu lo a comete un infraccion.



Polis mesora a atende cu e chauffeur riba su comportacion den trafico y a dun'e un boet.

Polisnan di Noord a bini te na Rancho cu un turista unda nan ta "track" e aparato horta

Diadomingo anochi polisnan di Noord a bini te den Rancho unda nan ta "track" un aparato horta for di un turista. Despues di basta buscamen-to rond nan no a logra hay'e. Polis a keda di traha un rap-port pa e turista y a keda di sigui track esaki.





## 270,000 vivienda lo tin problema cu transport durante transicion di energia

(NLTimes) - Instituto di investigacion TNO a reporta cu 113,000 y 270,000 vivienda na Hulanda lo lucha cu transport den e transicion di energia. E personanan aki lo por lucha pa adapta na e transicion di energia pa motibo cu nan tin mester di mas placa pa cumpra un vehiculo electrico.

Investigadornan ta bisa cu personanan vulnerabel ta usualmente famianan di un



solo mayor of viviendanan di persona soltero cu ta biba leu for di transport publico. Personanan for di viviendanan di

ingreso abao cu sea tin mester di mas placa pa mas gasolin of no tin bon acceso na e transport publico lo tin dificultad pa yega trabao y bishita familiarnan y amistadnan. Segun e investigadornan, esaki por causa desempleo, empeora salud of soledad.

Entre 73,000 pa 175,000 persona no tin suficiente placa y ta biba un luga unda tin acceso limita na transport publico. Esaki ta e motibo dicon nan ta particularmente vul-

nerabel segun TNO. E cantidad exacto di persona den e situacion aki ta depende no solamente riba ingreso pero tambe riba prijs actual. TNO a premira cu e viviendanan vulnerabel lo perde mas placa den e añanan binidero a causa di e uso di nan mesun vehiculo. Esaki ta parcialmente causa a causa di impuestonan mas halto riba petroleo y zonanan ecologico den algun municipalidad.

## Rusia a obtene un arma 'preocupante' anti-satelite

(AP) - E Cas blanco a publicamente confirma riba diahuebs cu rusia a obtene un arma anti-satelite "preocupante" agregando cu nan no por directamente 'causa destruccion fisico' na e planeta.

E cas Blanco su vocero di seguridad nacional John Kirby a bisa cu oficialnan di inteligencia Mericano tin informacion cu Rusia a obtene e capacidad sinembargo e tipo di arma aki no ta operacional te ainda. Oficialnan Mericano no analisando e informacion cu nan tin tocante e tecnologia a consulta cu e aliadonan y partnernan tocante esaki caba.

"Na prome luga esaki no ta

un capacidad activo cu a ser despacha pa Rusia y aunke Rusia su persecucion di e capacidad particular aki ta preocupante, no tin un menasa inmediato na ningun hende su seguridad," Kirby a declara. "Nos no ta papiando di un arma cu por ser usa pa ataca ser humano ni tampoco causa destruccion fisico aki riba tera."

E Cas Blanco a confirma su inteligencia despues di un advertencia diaranson for di e hefe Republicano di House Intelligence Committee Mike Turner, ken a urgi e administracion di Biden declassifica informacion tocante loke el a yama un menasa serio na e seguridad nacional.



## Un kwart di Hulandesnan ta haya alerta di tempo cu codigo oraño y cora exagera

(NLTimes) - Un averahe di un kwart di Hulandesnan ta kere cu e advertencianan cu KNMI a duna aña pasa tabata exagera, segun estudio di I&O Research di parti di instituto meteorologico. Den e caso aki, ta concerni e codigonan oraño y cora. Advertencianan di codigo geel no a ser involucra den e estudio aki.

I&O a conduci 5 encuesta aña pasa despues cu a declara un alerta. E tabata contene 4 codigo oraño pa tormenta fuerte dia 20 y 22 di juni, tormenta Ciaran dia 2 di november y condicionnan peligroso a causa di ijs dia 2 di december. Tambe tabatin un codigo cora den parti di e pais



a causa di tormenta Poly.

Tabatin mas comprension pa codigo cora. Di e personanan cu a puntra, 88 por ciento a bisa cu e advertencianan di tempo tabata adecua y cu 8 por ciento a pensa cu e tabata exagera. Despues di tormenta fuerte dia 20 di juni, 39 por ciento a indica cu e codigo oraño tabata excesivo mientras cu 51 por ciento a kere cu esaki ta apropria.

"Un posibel splicacion ta cu e tormenta su efecto tabata hopi local y no tur hende den e area di advertencia tabata afecta. Varios persona a menciona esaki como e motibo dicon nan ta sinti cu e advertencia di tempo tabata exagera," segun I&O a investiga.



## Atleta di schaats di velocidad, Irene Schouten ta tuma tercer titulo mundial a pesar di su caida

(NLTimes)—Atleta di schaats di velocidad, Irene Schouten apenas por a kere cu el a gana despues di un careda caotico den e comienso en masa durante e campeonatonan mundial di patinahe di distancia largo na Calgary. El a cay, tabata hopi atrasa, a bin back y ainda a gana e sprint. “Di berdad no ta normal!” el a conta NOS. El a gana e careda superando Canades Ivanie Blondin y su compatriota Marijke Groenewoud.

“M’a pensa mi keda calma, mi a pasa door di esaki caba,” e tripel campeon Olimpico a bisa tocante su caida. “Mi ta pensa e tabata un eror tecnico



pasobra mi tabata e unico pa cay. Pero tambe mi a pensa: okay, esaki ta e comienso en masa, tur cos por pasa. Pero bo mester mantene bo mes calma. Mi por core manera loco, pero e ora bo ta stroba cos pa bo mes.”

Schouten a logra regresa na e grupo mita caminda via e careda di 16 ronda, cu algun duda. “Si mi sali, esanan riba veld no sa kico pa haci,” el a bisa, prome cu el a gradici su compañero. “Danki na Marijke, nos a gana oro. El a ataca ora mi a topa cune. Mi sa cu mi por recupera bon durante un careda. Mi tabata sigur di mi mes y mi tabata cu e paso tabat bon. Mi tin suficiente energia den tanki pa core e

careda aki bon.”

Esaki ta e tercer titulo mundial den e evento aki pa e atleta di 31 año for di Noord-Holland. Previamente e tabata e miho na mundo den 2015 y 2019. Esaki tambe ta su tercer titulo mundial den e campeonatonan mundial aki na Calgary. Diahuebs siman pasa el a gana e titulo mundial den e careda di 3000 meter pa prome biaha. Un dia despues el a bira e campeon mundial den e persecucion di ekipo pa segundo biaha, awo cu Groenewoud y Joy Beune. Schouten a competi den e careda di 5000 meter durante e ultimo dia di e campeonatonan ayera, unda e ta e campeon defensor.

## Yobida ta pusha Daytona 500 pa dialuna como e prome posponemento desde 2012



(AP)—NASCAR a pospone e evento apertura Daytona 500 pa dialuna debi na dos dia di yobida na e Daytona International Speedway.

E careda tabata plania pa ayera atardi, aunke e pronostico di tempo a pone esey den duda full e siman. E ultimo training pa chauffeurnan a ser cancela diadomingo, como tambe e careda di Xfinity Series.

Awo e Xfinity Series ta plania pa tuma luga awe mainta, algun ora prome cu e comienso di Daytona 500. Joey Logano lo core pa Team Penske.

E ultimo biaha cu Daytona 500 a ser posponi pa full un dia tabata na 2012. NASCAR a completa 20 lap den 2020 prome cu yobida a para e actividadnan, y e careda a continua e dia siguiente.

The Xfinity Series race is now scheduled to be held Monday morning, hours ahead of the 4 p.m. start for

the Daytona 500.

Por medio di haci e posponemento trempa diadomingo, NASCAR a preveni fanaticonan for di sinti den yobida wardando un decision di e careda lo procede. Esaki a continua un boluntad di NASCAR cu a ser demonstra na comienso di luna ora el a move e exhibicion Clash na e Coliseo pa full un dia debi na tempo malo bayendo direccion Los Angeles.

Chauffeur di Spire Motorsports, Zane Smith, a ofrece riba red social pa pasa tempo cu fanaticonan diadomingo. “Mi ta odio cu e yobida a gana awe pero mi ta bay probecha y conoce algun di boso,” Smith a tweed. “Laga mi sa unda bo ta para y mi lo purba haya bo! Porta mi por trece mas chauffeur cu mi tambe.”

A pesar die posponemento, NASCAR y Daytona a sigui cu hopi di nan actividadnan pre-careda, incluyendo

bishitanan di celebridadnan manera cantante Pitbull y actor Dwayne “The Rock” Johnson.

E concierto di Pitbull prome cu e careda a ser cancela. El a acorda caba pa regresa otro año y presenta e ora ey. John-

son ta e “grand marshal” di e careda, encarga cu e tarea pa duna e comando na chauffeurnan pa cende nan motor.

“Tur cos ta pasa pa un motivo,” segun Madison Marsh, e Miss America actual cu tabata plania pa core e auto di paso

y lidera e veld pa e bandera berde. “Aunke lo mi a gusta, obviamente, pa core e auto di paso, mi no ta bay arepentí di bin...Obviamente lo mi kier a core, pero tur cos ta bay cana manera cu e mester ta.”



### JOB OPPORTUNITY

Paradise Beach Villas is looking for:

- Room Attendant
- Security Guard
- Server/Bartender
- Food & Beverage Coordinator
- Maintenance Man
- Pool & Beach Attendant

### Requirements:

Experience in the Hospitality-Tourism  
A positive attitude  
A team player  
Great communication skills  
Proficient in English and Spanish  
Able to work flexible hours including weekends and holidays  
Valid work permit

### We offer:

Competitive salary  
Dental & vision insurance  
Pension Plan  
Vacation Saving Program  
Excellent work environment

To apply: Submit your resume at [humanresources@paradisebeach.aw](mailto:humanresources@paradisebeach.aw) for more information, please contact our Human Resources Department at 525-4000 ext. 4093





**(AP)—E Comité Olimpico Internacional (IOC) no ta bay cambia su reglanan pa laga gigante di boxeo Manny Pacquaio competi den e Weganan Olimpico na Paris cinco aña mas bieu cu e limite di edad.**

Pacquaio, ken a retira na 2021, kier a box cu 45 aña na e torneo Olimpico na Parid unda lo entrega medayanan den e compleho di tennis Roland Garros. IOC a bisa ayera cu el a skirbi na oficialnan Olimpico na Filipinas

## IOC no ta bay cambia limite di edad pa laga Manny Pacquaio competi na Weganan Olimpico di Paris cu 45 aña

splicando e limite di edad pa boxdonan di 40 lo keda manteni. Awo IOC ta encarga di boxeo Olimpico despues di de-reconoce e curpa gobernante di Asociacion Internacional di Boxeo.

E limite di edad pa boxeo Olimpico a subi di 34 pa 40 aña na 2013—un decision cu lo a laga Pacquaio competi na e Weganan Olimpico 2016. E tempo ey el a scoge pa no competi ora el a ser eligi tambe como un senador den su pais.

No ta claro si Pacquaio lo a purba gana un luga den e Weganan Olimpico den un di dos torneonan di cualificacion cu ta habri mas despues den luna na Italia y na Thailandia den mei.

E curpa Olimpico na Filipinas a papia di purba haya e yamado entrada “universalidad” pa e Weganan na Paris. Esakinan ta basicamente entradanan gratis pa eventonan duna na paisnan cu tin menos atleta den e Weganan y tipicamente no sa cualifica a base di habilidad.

Sinembargo, IOC a splica

ayera cu e Filipinas tabata demasiado exitoso pa por beneficia di e skema aki. “Luganan di universalidad no ta aloca na (ekiponan) cu un averahe di mas cu ocho atleta den disciplina individual durante e ultimo dos edicion di e Weganan Olimpico,” IOC a bisa. “Esaki ta e caso pa e Comité Olimpico di Filipinas.”

Pacquaio a caba su carera na september 2021 na edad di 42 aña despues di 72 pelea, ganado 12 titulo mundial den ocho diferente division di peso.

## Landado Israeli, Anastasia Gorbenko abochea pa e audiencia na campeonatonan mundial na Qatar

**(AP)—Landado Israeli, Anastasia Gorbenko a ser abochea pa algun hende den e audiencia despues di caba na di dos lugar den e Women’s 400 meter durante e ultimo dia di e World Aquatics Championships na Qatar ayera.**

E atleta di 20 aña tabata dunando comentarionan band’i pool despues di e careda ora e abocheamento a cuminsa zona den e Aspire Dome na Doha.

“Mi ta djis hopi contento di ta aki y representa mi pais den e tempo duro aki,” Gorbenko a bisa refiriendo na e guerra



entre Israel y Hamas. “Pa ta eynan cu e bandera Israeli ta nifica hopi pa mi y pa mi pais, pues esey ta e miho cu mi por

haci.” Despues otronan den e audiencia a tapa e zonido di abucheamento cu aplauso y grito di apoyo.



Landado Britanico Freya Colbert a gana e careda den 4 minuut, 37.14 seconde. Gorbenko a caba na 4:37.36 y Sara

Franceschi di Italia a caba tercera na 4:37.86. Tur tres a presenta na nan ceremonia di medaya diadomingo.

## S.V. Dakota ta bautisa nan uniform nobo

**Diahuebs ultimo, den un esfera ameno na Centro di Bario Dakota a tuma luga bautismo di uniform nobo di ekipo di Dakota. Minister Endy Croes a pasa pa saluda y felicita ekipo di Dakota cu nan uniformnan nobo di Division di Honor pa e temporada 2023 -2024 di playoff di futbol.**

Sr. Carl Michael Bikker a indica cu Centro di Bario Dakota y e organisacion di futbol a reconece y gradici e patrocinadonan pa nan gran aporte, paso pa mantene un organisacion firme bo tin mester di yudansa. Danki na e patrocinadonan a logra cumpra uniform y mate-



rial pa e muchanan por train. Ademas di esaki, a comparti e vision y plan di Dakota.

Tambe, Sr. Bikker den nomber di directiva di Centro di Bario Dakota a gradici

Minister Endy Croes pa su apoyo y pa aporta na nan organisacion. Sr. Bikker a enfatisa cu semper cu Centro di Bario Dakota acerca e mandatario de Deporte pa un yudansa, nunca el a duda y



semper a yuda. Alabes, Sr. Bikker ta gradici Minister Endy Croes pa su empuehe pa yuda Centro di

Bario Dakota. Pronto lo inaugura un di e canchanan di basketball di mas bunita di Aruba.



## Entrega di Registro di Personal 2023 y Manpower Planning 2024

E Ordenansa Laboral 2013 (Arbeidsverordening 2013, AB 2013 no. 14 ta vigente desde 1 di april 2013. A base di articulo 28 y articulo 30 di e Ordenansa Laboral 2013 tur compania ta obliga di ta den pertenencia di un Lista Laboral (Arbeidslijst) y un Registro di Personal (Personeelsregister). E implementacion di articulo 28 y articulo 30 di e Ordenansa Laboral 2013 ta regla den e Decreto Nacional Registran di Ordenansa Laboral 2013. E modelo di e Lista Laboral y Registro di Personal ta wordo regla den e Decreto Nacional menciona anterior y ta obliga e dunador di trabou pa entrega e Registro di Personal na Director di Departamento di Labor & Investigacion (DAO).

Departamento di Labor y Investigacion ta informa pa medio di e comunicado di prensa aki cu e periodo di entrega di Registro di Personal 2023 y Manpower Planning (necesidad pa personal) 2024

pa tur empresa na Aruba lo ta di 15 februari 2024 te cu 5 april 2024.

Desde aña pasa DAO a introduci un metodo nobo di entrega di e documentonan aki cerca DAO. E metodo nobo aki ta encera pa companianan, a traves di un portal cu su mesun login, haya acceso na LABORA e database di DAO unda cu por entrega/suministra e datos di e Registro di Personal y di e Manpower Planning. Si bo ta desea pa participa den e metodo nobo aki por manda un email pa Sr. Simon Brete (simon.brete@aruba.gov.aw).

Registro di Personal 2023 y Manpower Planning 2024

E unico forma cu por entrega e Registro di Personal ta den e forma digital. Desde 8 februari 2024 por download e formulario digital (cual ta consisti di 2 Excel-file) for di website [www.daoaruba.com](http://www.daoaruba.com) of [www.gobierno.aw](http://www.gobierno.aw) (Excel-sheet template: DAO Personeelsregister 2023 y DAO Personeelsbehoefte 2024), of



por haci un peticion via e-mail na [aanvraagpr@gmail.com](mailto:aanvraagpr@gmail.com) y DAO lo mail bo e dos Excel-sheet. Nos ta pidi pa lesa e splicacion atentamente momento cu ta bay yena e Excel-sheet. Tambe ta haci un peticion pa momento cu ta yena e informacion pa verifica cuidadosamente e detayenan di e empleo pa asina sigura cu esaki ta coresponden cu bo administracion y e pay

slip. Unda y con por entrega e Registro di Personal 2023-2024 DAO ta haci un peticion pa hinca e datonan den e formulario digital, segun e modelo stipula pa ley, y pa manda nos esaki na e-mailadres [arbeidsmarktaruba@gmail.com](mailto:arbeidsmarktaruba@gmail.com). Den caso cu bo compania tin un of mas sucursal, DAO ta

haci un peticion pa yena e Registro di Personal no solamente pa e oficina principal (hoofdvesting) (p.e. KvK-nummer 5555.0) pero tambe pa cada sucursal (p.e. KvK-nummer 5555.1, 5555.2 etc.). Ta pidi tambe pa indica cua trahadonan ta rouleer door di pone un strea (\*) den kolom patras di e kolom "No." ariba e formulario digital.

DAO ta informa cu ta obligatorio pa yena tur 3 modelo. Den caso cu no tin necesidad pa personal of necesidad pa personal pa cada proyecto specifico pa 2024, ta yena nihil ariba modelo 1B y modelo 1C.

DAO lo manda bo via e-mail un comprobante cu a ricibi e formulario di Registro di Personal 2023-2024. Tene cuenta cu e comprobante di entrega no ta implica aprobacion di e Registro di Personal 2023-2024. DAO lo duna durante aña 2024 aprobacion of desaprobacion di e Registro di Personal 2023-2024.

E ta obligatorio pa den e periodo di 15 februari 2024 te cu 5 april 2024 pa entrega digitalmente e Registro di Personal 2023 y e Manpower Planning 2024.

Companianan cu no ta cumpli cu entrega di e Registro di Personal den e periodo menciona como tambe esnan cu no a entrega esaki e aña anterior ta den incumplimento cu articulo 30 di e Ordenansa Laboral 2013. DAO lo bay over na tuma accion contra esakinan. E compania lo por ricibi un sancion administrativo di Afl. 5.000,- pa no cumpli cu e obligacion di entrega di e Registro di Personal.

Resultado Sorteo 18februari							
Cadena Alexander Lottery ta presenta resultado di weganan di suerte							
<b>DIARIO</b>				<b>DIADOMINGO</b>			
<b>KORSOU</b>	<b>SUPER4</b>	<b>FLAMINGO</b>	<b>DIARIO</b>	<b>KORSOU</b>	<b>SUPER4</b>	<b>FLAMINGO</b>	
9803	8032	7764	6413	7199	1067	4384	
8600	<b>SUPER5</b>	9771	6310	7805	<b>SUPER5</b>	5966	
9822	-	4988	7266	5710	94761	0473	

<b>MERDIA</b>		<b>ANOCHI</b>		<b>DIADOMINGO MERDIA</b>	
Sorteo # 4184	Sorteo # 8173	Sorteo # 2468	Sorteo # 8390	Sorteo # 4185	Sorteo # 4185
5897	0507	Joker 16 Letter L	Proximo Jackpot	6126	Joker Letter
1993	1799	0 x Jackpot	Proximo Jackpot	0746	0 x Jackpot
0496	4031	0 x Match 4+	450.000,-	1953	0 x Match 4+
x2	x2	6 x Match 4		X2	0 x Match 4
		117 x Afl. 12,00			0 x Afl. 12,00
Sorteo # 4184	Sorteo # 7217		02-04-16-18-20		03-12-18-25-30
4322	5810	Sorteo # 8390	Proximo Jackpot	Sorteo # 4185	Proximo Jackpot
x2	x2	0 x Jackpot	73.000,-	6691	0 x Jackpot
		6 x Match 4		X5	5 x Match 4
Sorteo # 2240	Sorteo # 1922	156 x Afl. 8,00			125 x Afl. 8,00
6266	7956		Mega Ball	Sorteo # 2241	Sorteo #
		Sorteo # 1637	Proximo Jackpot	4043	Sorteo #
Sorteo # 4184	Sorteo # 5976	0 x Jackpot	550.000,-		Sorteo #
3910	1642	0 x match 4		Sorteo # 4185	Sorteo #
Libra	Cancer	0 x Afl. 500,00		2044	Sorteo #
		0 x Afl. 50,00		Capricornio	Sorteo #
Sorteo # 1058	Sorteo # 906	0 x Afl. 15,00			Sorteo #
029	100		Afl. 775.000,-	Sorteo # 1059	Sorteo #
				407	Sorteo #
		Sorteo #			Sorteo #
				X2	Sorteo #





**Dokter na warda**

Oranjestad San Nicolas  
Hospital Imsan  
7:00 pm / 10:00 pm 24 ora

**Botica na warda**

Oranjestad: San Nicolas:  
Trupiaal San Lucas  
Tel. 583 8560 Tel. 584 5119  
**EMERGENCIA 911**

**POLIS**

Oranjestad 100  
San Nicolas 104  
Santa Cruz 105  
Noord 107  
Tip Line 11141  
Brandweer 115  
Ambulance 911  
Hospital 527-4000  
Imsan 524-8833  
Warda Costa 913  
Seguridad Nacional 11911  
Cruz Cora 582-2219

**BOTICA**

Aloe 584-4606  
4 Centro Medico 584-5794  
Central 585-1965  
Dakota 588-7364  
Del Pueblo 582-1253  
Eagle 587-9011  
Kibrahacha 583-4908  
Maria 585-8145  
Di Servicio Noord 586-4606  
Oduber 582-1780  
Paradera 588-6638  
San Lucas 584-5119  
San Nicolas 584-5712  
Santa Anna 586-8181  
Santa Cruz 585-8028  
Sero Preto 584-4833  
Trupial 583-8560

**UTILIDAD**

Setar 117  
Web 525-4600  
Elmar 523-7147

**FUNERARIA**

Aurora 588-6699  
Royal Funeral H. 586-4444  
Ad Patres 584-2299  
Olive Tree 584-8888

**Servicio di Taxi**

**Aruba Transfer Tour & Taxi C.A.**  
Tel: 582 2116 / 582 2010

**Taxi Adres Services (24h)**  
Tel. 587 5900

**A1 Taxi Services Aruba**  
Tel: 587-8850  
Tel: 280-2828  
Whatsapp: 592-7024

**Cas Di Cultura**

Vondellaan 2 Aruba  
297-582-1010

**F A D A**

Campanastraat 5 Aruba  
297-583-2999  
297-583-9610

**F A V I**

Primavera 233 Aruba  
297-582-5051  
297-582-5222

**F E P O**

Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

**Fundacion Autismo  
Aruba**

Irenestraat 21 Aruba  
297-588-1179

**Fundacion Pa Nos  
Muchanan**

Cumana 2 Aruba  
297-583-4247

**Fundacion Tel Pa  
Hubentud**

Wilhelminastraat 19  
Aruba  
297-588-6138

**Koningin Wilhelmina  
Fonds**

Spinozastraat 9 Aruba  
297-582-0412

**Mary Joan Foundation**

Sabana Blanco 8 Aruba  
297-588-9999

**Rode Kruis Aruba**

Pedro Gallegostraat 14  
Tel. 297-582-2219  
Fax 588-3376

**Famia Planea (SBVO)**

Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.com

**Stichting Fundacion  
Guia Mi**

George Madurostraat 34  
297-582-0088

**Y M C A**

Calbasstraat 1 Aruba  
297-582-3072

**AL-ANON group**

Sabana Liber #8, Noord  
(close to the hotels)  
Tel: 736-2952 or  
593-7081

**Sesion pa e Sector Social Civil na Aruba: e proceso despues di e komma Invitacion 3**

**Ministerio di Asunto Interno y Relacionan den Reino, den cuadro di e Aña di Conmemoracion di Historia di Sclavitud, en relacion cu e proceso despues die komma a invita Lilly Marlene Peterson MA (master of arts) Museologia como un di e representantenan di fundacionan di e sector social civil di Aruba. E invitacion ta pa participa den sessionan di inspraak riba diferente proposito.**

Sra. Peterson, General Manager Fundacion Preserva Aruba, ta invita fundacionan di e sector social civil y hende cu ta sinti nan mes conecta cu e topico di sclavitud pa bin duna nan aporte na combersacionan cu lo tuma luga na Aruba. Esaki ta en preparacion di e combersacionan cu lo tuma luga entre otro sra. Peterson, Hulanda y e otro islanan Caribense.

E topico di sclavitud casi sigur no ta un topico cu bo fundacion a tene cuenta cune ora di e oprichting. No kiermen cu esaki no por cambia. Porta bo fundacion no ta activo. Esey no kiermen cu bosnan no por bira activo bek atrobe. Porta bo no tin fundacion pero si kier cuminsa cu un of bo ta den e proceso caba. Y pa e motibo aki sra. Peterson ta invita tur fundacion cu ta interesa pa



bin dialoga cune.


Ta bai tin cuater sesionnan den e lunanan di februari y maart cu Hulanda. Pa prepara pa esaki bo ta cordialmente invita pa bin duna bo feedback riba e proposito di Hulanda. E prome sesion na Aruba a tuma luga dia 5 di februari na museo Archeologico y e topico tabata con pa parti e 33 mion entre e tuma luga dia 14 di februari

cu e topico e areglo di subsidio. E di tres ta bai ta riba dia 19 di februari na Museo Archeologico di 6-8pm. E topico ta bai ta tocante di comision cu ta evalua e peticionan di e fundacionan pa subsidio.

19 di februari 2024 na Museo Archeologico di 6-8 pm Laga nos sa si bo ta bay ta presente na e sesion. Conecta cu nos via e email [preservaaruba11082023@gmail.com](mailto:preservaaruba11082023@gmail.com).

**Pronostico di tempo**

Un alerta pa biento duro ta keda na vigor te diamars mainta 6'or. Tambe tin un aviso pa boto chikito pa lama habri y specialmente areanan cerca di costa oost te noordwest lo keda na vigor te diamars atardi 6'or...



**Tempo:**  
Awe tardi y awe nochi: parcialmente nubia y seco  
Den marduga y mañan: parcialmente nubia y generalmente seco

Temperatura maximo 32 grado Celsius  
Temperatura minimo 26 grado Celsius  
Indice di calor (heat index) den y rond di oranan di merdia: 33 pa 38 grado Celsius  
Uv index: 8

Bahada di solo : 6:47pm  
Subida di solo : 7:00am

**Biento:**  
Modera te basta fuerte for di direccion oost; forsa 4 te 5 (20 te 39km/ora, 11 te 21 nudo).  
Durante di dia fuerte te duro, posiblemente hopi duro den rafaga; forsa 6 te 8 (40 te 64km/ora, 22 te 35 nudo)

Situacion general di tempo: Extension di un area di presion halto riba Atlantico lo sigui domina e weer den region, sosteniendo un biento modera te fuerte; tin bes duro te hopi duro den rafaga. Di otro un banda por bisa cu atmosfera ta sigui seco y stabiel y esaki lo mantene condicionnan di weer generalmente seco.

**Condicionnan maritimo/ estado di lama:**

Na partinan protege di costa: keto, rond di 1 pia.  
Na partinan zuid: tranquil te modera, entre 2 pa 4 pia.  
Na partinan oost te noordwest di costa: modera te localmente poco bruto cu olanan di 5 pa 7, Localmente e por yega 8 te posiblemente 9 pia

**TIN MESTER**  
Sabana Blanco Food & Market Service NV  
Sabana Blanco 105B  
Tin mester shelpakker  
Interesado por pasa personalmente

**TIN MESTER**  
Papia Mia Restaurant  
Palm Beach 55 Unit 16  
Tin mester Dishwashers  
Interesado por pasa personalmente

**TIN MESTER**  
Sing Fung NV  
Tanki Leendert 7  
Tin mester slager  
Interesado por pasa personalmente

**TIN MESTER**  
Sing Fung NV  
Tanki Leendert 7  
Tin mester slager helper  
Interesado por pasa personalmente

218024

217391



**Aurora**  
*Royal Pray*  
Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Dios a mira cu e tawata cansa ora no tawata tin cura mas ela pone su brasan rond di dje y bisa serca mi dune sosiego.  
“bow di alanan di Dios mi ta sigur”  
Salmo 91  
Cu honda pena y conforme cu boluntad di Dios, nos ta anuncia fayecimento di:



**Antonio Neyrot Croes**  
Mihor conoci como “Robby”  
\*10-04-1945 - †14-02-2024

Na number di su:  
Casa: Maria M. Croes-Tromp  
Yiu: Patrick Croes y Anushka Werleman  
Nietonan stima: Jean-Paul y Anray Croes  
†Darius Werleman  
Mayornan: †Bernardus y Johanita Croes-Webb Rumannan:  
†Manolo “Rey” Croes  
†Mauricio Croes & †Rosa Croes-v/d Linden y famia  
†Damasa Croes & Alexander Croes y famia  
†Catarina Croes  
Maximina Croes  
†Jacobo “Coby” Croes y famia  
†Jacinto “Chinto” Croes y famia  
+ Pedro “Buchi” Croes  
Vda. Tecla Croes  
Vda. Sita Croes & †Lorenzo Croes y famia  
Swa: Cornelis y Elba Tromp y famia  
Cuñanan:  
†Siblina “Ina” Tromp y famia  
Andrea Tromp y famia  
†Merita Tromp y famia  
Jeanette Tromp  
†Emelinda Tromp y famia  
Estrellita y Trevor Rolle – Tromp y famia  
Evelinda & Rudy Tromp y famia  
†Anushka Tromp y famia  
Sobrino y sobrinanan, primo y primanan, bisinanan y conocirnan  
Demas famia: Croes, Tromp, Webb, Werleman, Yarzagaray, Solognier, Maduro, Winterdal, Rasmijn, Kransen, Hernandez, Boekhoudt, Geerman, van der Biezen, Carrasquerro, Quandus, Quandt, v/d Linden, Rolle.

Nos disculpa si den nos tristesa nos por a lubida algun famia of conocir.

Ta invita pa acto di condolencia y entiero cual lo tuma lugar na Aurora Funeral Home diamars 20 februari 2024 di 2’or pa 4’or di atardi. Despues lo sali pa Santana Central Sabana Basora.

Nos ta lamenta cu despues di entiero nos no por ricibi bishita di condolencia na cas

www

**Aurora**  
*Royal Pray*  
Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Dios ta amor... y amor ta Dios,  
maske mi no ta na e mundo aki, tur dia lo mi ta banda  
di boso Curazon, mi por stens di loke Señor ta hasi”  
Salmo 33

Cu dolor na nos curason, nos ta participa fayecimento di nos tata stima:



**Sr. Pedro F. Dabian**  
Mihor conoci como “Rufo, Chuf di Rooi”  
\*07-11-1943 - †15-02-2024

Acto di entiero lo wordo anuncia despues

**Aurora**  
*Royal Pray*  
Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.  
Autor: Cado Wever.

Nos ta anuncia fayecimento di:



**Mariela Granada Garcia**  
Cariñosamente yama “Tanchi of Tanchi Jela”  
VDA. di Wever  
\*27-09-1949 - † 01-02-2024

Acto di despedida lo wordo anuncia despues

**Hungria ta rechasa oferta pa reuni cu senadornan Mericano buscando aprobacion pa candidatura di Suecia pa NATO**

**AP) — Un delegacion bipartidario di Senador Mericano a haci un bishita oficial na capital Hungaro ayera y a haci un yamado riba e gobierno nacionalista pa inmediatamente aproba e solicitud di Suecia pa join NATO.**

Hungria ta e unico di e 31 miembro existente di NATO cu no a ratifica e candidatura di Suecia. Gobierno Hungaro ta enfrenta presion pa actua despues di retrasa e movida pa mas cu 18 luna, ya cu admiti un pais miembro den e aliansa militar ta rekeri aprobacion unanime. E Senadornan anuncia cu nan lo entrega un resolucion conhuntamente na Congreso condenando e supuesto retraso democratico na Hungria y urgiendo gobierno di prome minister Viktor Orban pa elimina su blokeo riba e integracion trans-Atlantico di Suecia. E resolucion, reporta prome pa Associate Press diadomingo trempan, tabata skirbi pa Sen. Thom Tillis, a Republicano di North Carolina, y Sen. Jeanne Shaheen, un Democrata di New Hampshire. Uniendo nan den e delegacion pa Budapest tabata Sen. Chris Murphy, un Democrata di Connecticut.

Shaheen a bisa cu tabata “decepcionante” cu ningun miembro di gobierno Hungaro a acepta invitacion pa reuni cu e delegacion, pero cu e tabata keda “cu speransa y optimista” cu lo entrega accesion di Suecia pa ratificacion ora legisladornan Hungaro reuni back dia 26 di februari. Murphy a bisa cu e rechazo di gobierno di Orban pa reuni tabata “straño y preocupante,” pero cu e onus tabata riba e lider pa pusha pa un voto. “Nos ta suficiente sabi tocante politica aki pa sa cu si prome minister Orban kier pa esaki sucede, e ora parlamento por bay dilanti,” el a bisa.


Den e resolucion, obteni pa AP, e senadornan ta nota “e rol importante cu Hungria por tin den segu-

ridad Europeo y trans-Atlantico”, pero ta destaca su fayto pa cumpli cu promesanan anterior di no ta e ultimo aliado di NATO pa aproba miembresia di Suecia. E resolucion ta bisa cu Hungria “no a join tur otro estado miembro di NATO pa aproba e accesion di Suecia den NATO, fayando pa cumpli cu un compromiso pa no ta e ultimo den aproba un accesion asina y pone den peliger e seguridad trans-Atlantico na un momento clave pa paz y estabilidad na Europa.”

Orban, un nacionalista cu a dirigi Hungria desde 2010, a bisa cu e ta na favor di haci Suecia un parti di NATO pero cu legisladornan den su partido no ta convenci pa motibo di “mentiranan flagrante” di politiconan Sueco riba estado di democracia na Hungria. Pero den un discurso di estado di e nacion na Budapest diasabra, Orban a indica cu legislatura di Hungria por sede pronto.

“Ta bon noticia cu nos disputa cu Suecia ta alcansando un conclusion,” el a bisa. “Nos ta moviendo pa ratifica accesion di Suecia na NATO pa comienso di e sesion di spring den Parlamento.” Resolucion di e Senadornan ta critica e relacion cada bes mas caluroso di Orban cu Rusia y China, y ta nota cu mientras Hungria a habri porta pa refugiadonan Ucraniando huyendo di invasion di Moscu, tambe a “resisti y dilui sancionnan di UE cu respecto Federacion Ruso.”

Orban, ampliamente considera como e aliado mas cercano di Kremlin, pa largo a ricibi critica pa viola standardnan di e bloc riba democracia y estado di derecho. UE a retene biones den fondo for di Budapest pa motibo di supuesto violacion di su reglanan. Gobierno Hungaro tambe a adopta un posicion cada bes mas adversorio contra administracion di presidente Joe Biden, acusando Merca di purba di influencia bida publico Hungaro.





## Di cinco trahador confirma morto den collapse di sitio di construccion na Italia

(AP) – Un di cinco trahador di construccion a keda confirma morto diasabra despues cu un beam di concret a collapse na e sitio di construccion di un supermercado den ciudad di Florence un dia prome, segun oficialnan Italiano.

“Mi a caba di wordo informa cu rescaticanan a localisa e curpa di un di cinco trahador,” segun Eugenio Giani, presidente regional di Toscana, a bisa.

Teamnan di buskeda tabata trahando pa alcanza e curpa bao di e escombros. Anteriormente, vocero di bomber, Luca Cari a bisa canal di TV Italiano, RaiNews, cu personal di emergencia a recupera e curpa di e di cuatro trahador. “E masa di escombros ta enorme,” Cari a bisa. “Ta bay dura un tempo pa sigura e sitio.”




Un grupo di trahado tabata construyendo structuranan di concret prefabrica pa un supermercado Esselunga nobo riba diabierna na momento cu, segun reportaje inicial, un beam di concret reforsa a cay riba un capa di slab, cu a collapse, trapando ocho homber.

Teamnan di rescate a saca tres trahado kende a keda transporta na hospitalnan lo-

cal, unda nan a keda reporta como den condicion serio pero sin herida cu ta pone nan bida den peliger.

Evaluacion preliminar a indica cu e accidente a sucede pa motibo di un “collapse structural” di e beam di concret, cu por tabata causa pa mal posicionamento of defecto den su composicion, segun oficialnan.



Fiscalnan di Florence a duna orden pa un investigacion riba e collapse, teniendo den consideracion cargonan di negligencia y varios homicidio, pero no a nombra ningun sospechoso na e etapa aki. Presidente di Esselunga, Marina Caprotti a duna condolencia diabierna y a priminti di coopera cu e investigacion. El a bisa cu trabao di construccion pa e tienda nobo a

keda duna na contratistanan terco.

Papa Francisco a manda su condolencia na victimanan di e famia riba diasabra den un telegram na Cardinal Giuseppe Betori, arsobispo di Florence, cu a expresa “participacion di curason den e lamento di henter e comunidad.”

## Trump ta critica veredicto di fraude na New York mientras ta enfrenta multa cu por surpasa mita bion dollar

(AP) — Ex-presidente Donald Trump a critica e hues cu a impone un multa di \$355 milyon riba dje den su huicio pa fraude civil na New York, y a bay contra e lista largo di fiscal cu tin caso contra dje, mientras el a campaña na Michigan diasabra nochi y mientras ta enfrenta multanan cu, cu interes, por surpasa mita bion dollar.



Trump tabata dunando su discurso den un estado cu ta spera di ta critico na november mientras e ta na caminda pa un probable revancha den eleccion general contra presidente Joe Biden. Mientras cu Biden a derota Trump eyan na 2020 cu un margen chikito, e presidente ta enfrentando skepticismo profundo den e estado, specialmente di votadornan Arabe-Mericano rabia pa su sosten pa Israel den e guerra contra Hamas mientras e cantidad di morto Palestino ta keda aumenta.

Trump, mientras tanto, ta bin trahando pa apela na e votadornan di clase trahador y di sindicato, cu tabata critico di su victoria na 2016. Diasabra, atrobe el a haci su oferta pa trahadornan di auto, criticando e mandatonan di vehiculo

electrico cu e ta argumenta eventualmente lo conduci na perdida di trabao y a elogia tarifanan cu el a implementa. “Nos mester laga nan sa cu un trein di carga ta biniendo na november,” Trump a bisa mas cu 2mil sostenedor reuni den un hangar den friu na Waterford Township, den suburbio di Detroit.

Pero un biaha mas, Trump tabata mas enfoca riba su problemanan, habriendo cu un discurso di 15 minuut tocante e casonan criminal y civil den su contra. Diabierna, un hues na New York a duna orden pa Trump paga \$355 milyon despues di conclui cu el a gaña tocante su rikesa durante años, planeando pa defrauda banco,

seguro y otronan door di exagera su rikesa den estadonan financiero.

Trump a priminti cu ta bay apela.

E castigo ta yega algun dia despues cu Trump a haya orden pa paga \$83.3 milyon na escritor E. Jean Carroll pa duna su reputacion despues cu el a acus’e di abuso sexual.

Cu pagonan di interes, e debenan legal di Trump awo por surpasa mita bion dollar – un cantidad cu no ta cla si Trump por afford pa paga.

Trump a referi na e decision diabierna como “un atrocidad ilegal y inconstitucional cu ta pega nos leynan na can-

dela manera niun hende a yega di mira na e pais aki den pasado.”

Trump a haya exito den e primaria Republicano door di pinta e cargonan – cu ta inclui acusacionnan estatal y federal den cuatro hurisdiccion separa – como parti di un esfuerso coordina di Biden y otro Democratanan pa duna su prospectonan electoral. Tambe el a repetidamente tacha nan como un atake riba su sostenedornan. “E abusonan repulsivo aki di poder no ta djis un atake riba mi, nan ta realmente un atake riba bo y tur Mericano,” Trump a bisa diasabra. “Nos tur ta den e desaster aki hunto!”

Pero no ta cla si e apelacionnan aki ta bay duna resultado den un eleccion general, particularmente entre votadornan suburbano na areanan metropolitano di estadonan swing, manera Oakland County, unda Trump tabata papia diasabra. Un suburbio afluente di Detroit y e di dos condado mas grandi di e estado, Oakland County tabata antes bao control Republicano, pero a move mas Democrata den eleccionnan recien, en parti pa motibo di muhenan.

Trump a perde e condado contra Hillary Clinton na 2016 y Biden na 2020, ambos biaha pa ocho punto porcentual.

Mientras Michigan ta bay tene su primaria despues cu South Carolina, apenas 16 di 55 delegado presidencial Republicano ta bay ta determina pa e voto dia 27 di februari. E otro 39 ta bay ta distribui pa delegadonan precinct na un convencion estatal di Partido Republicano na Michigan dia 2 di maart.

E bishita di Trump a yega mientras partido Republicano na e pais ta den disturbio, memey di competencia pa e presidencia y un crisis financiero.

Trump a move cautelosamente door di e caos door di ofrece un saludo na presidente estatal di e partido recien elige, Pete Hoekstra, un ex-miembro di Congreso pa hopi tempo y leal na Trump, kende a fungi como embahador di Trump pa Hulanda. Hoekstra a keda elige despues cu e presidente e tempo ey, Kristina Karamo a haya retiro despues di genera cienmiles di dollar den debe.



## Fayecimento di Alexei Navalny ta provoca ira pero tiki accion concreto pa stop Putin



(AP) - Cu ira a causa di e fayecimento di Alexei Navalny plamando den henter mundo, president di Rusia Vladimir Putin ta cerando su oido na e rabia mientras e ta prepara pa estende su mando di 24 ana proximo luna den e eleccionnan y polis den Rusia ta sigui combati cualkier intento di protesta.

Merca y su aliadonan ta considerando sancionnan contra Rusia a causa di Navalny su fayecimento y e president Ruso su accionnan recien na


Ucrania. Sinembargo mirando cu ayudo di Merca pa Ucrania ta pega na Congreso y aliadonan di NATO ta luchando pa yena e buraco, varios ta pensa kico en realidad por haci pa stop e lider Ruso, mirando cu varios ronda di castigo no a logra haci esaki.

“En realidad no tin mas luga pa balor grandi den sancionnan adicional” contra Rusia, ya caba e ta un di e paisnan cu mas sancion na mundo, Mark Galeotti, hefe di Mayak Intelligence a nota. Na luga di esaki, segun Galeotti, mester enfoca mas riba traha cu ali-

adonan di Navalny y yuda Rusonan ordinario haya acceso na canalna di informacion cu ta contradeci y contraresta propaganda di e president. E tipo d esfuersonan aki ta clave segun Galeotti, ken a describi Navalny su fayecimento como e proximo paso den Putin su sistema autoritario hibrido.

Merca y aliadonan di NATO ta poniendo den balansa mas accion pa aumenta sosten di Ucrania, unda e cherceito Ruso a obliga e trupanen di

Ucrania retira for di un parti clave di Avdiivka despues di un bataya largo di 4 luna. E aliadonan a trata maneranna pa aumenta e costo di guerra pa Rusia pa asina Putin haya su mes obliga di retira. Sinembargo, e lider di 71 ana a priminti cu e lo sigui dilanti y declarando den un entrevista cu Fox News siman pasa cu pronto of laat, nan lo ser obliga negocia un trato bao su terminonan.



## Israel ta ser acusa di kier destrui Nacionnan Uni su agencia lider yudando Palestinonan



(AP) - Hefe di e agencia principal di Nacionnan Uni cu ta sostene ciudadanonan na Gaza a acusa cu Israel ta insisti den “destrui” e organizacion conhuntamente cu e idea cu Palestinonan ta refugiadonan cu tin e derecho di bolbe cas algun dia.

Philippe Lazzarini a acusa Israel den un entrevista cu e corant Suiso Tages-Anzeiger di a tin “un meta politico pa hopi tempo” di elimina e agencia di ayudo di Nacionnan Uni cu e ta

lidera, cual ta conoci como UNRWA. El a ser crea mas di 70 ana atras pa asisti e Palestinonan cu a huy for di e pais of a ser obliga sali fro di nna cas durante e guerra di Israel su creacion. “Na e momentonan aki, nos ta lidiando cu un campanja Israeli concentra y amplia, cual tin e meta di destrui UNRWA,” Lazzarini a bisa den e entrevista. Su remarca a trece e comentario mas fuerte contra acusacionnan Israeli cu e agencia a ignora e intento di Hamas pa infiltra su operacionnan na Gaza.



Lazzarini, ken su funcion como comisario general di UNRWA a cuminsa na ana 2020, a bisa cu aparentemente Israel ta kere cu si “aboli e agencia, e status di refugiadonan Palestino lo ser soluciona y cu esaki e derecho di regreso.” E futuro di e

refugiadonan Palestino y nan descendencia ta un punto clave di discusionn entre e Israelinan y e Palestinonan den dialogod i pas recien cu a fracasa mas di un decada atras. Israel ta rechasa exigencianan Palestino di permiti e descendientenan di refugiadonan

bolbe na loke awe ta Israel, argumentando cu esaki lo disminui e mayoria Huidu di Israel.

E agencia di Nacionnan uni no tabatin mas comentario ademas di e remarcnan publica.



## Miles na protesta anti-gobierno na Croacia ta alega corrupcion y ta demanda un eleccion

(AP)—Miles di hende a protesta den e capital di Croacia diasabra, acusando e partido centro-derechista di corrupcion y demandando pa e eleccion parlamantario di e aña aki tuma luga lo mas pronto posibel.

E protesta na Zagreb a ser organisa pa 11 partido den oposicion di e banda centro/iskierda, cu tensionnan politico den e nacion aumentando. Croacia mester tene ambos su eleccion parlamantario y presidencial den 2024, como tambe esnan pa e Parlamento Europeo na juni. E fechanan pa e votonan domestico no a ser determina ainda.

E partidonan den oposicion kier pa e voto parlamantario tuma luga inmediatamente. Nan a entrega un demanda formal pa desolve e parlamento actual pa via di un pelea tocante e eleccion di e abogado di estado nobo di e pais.



Prome minister poderoso, Andrej Plenkovic a defende e apuntacion recien di ex-hues Ivan Turudic pa e posicion a pesar di varios reportahe di su comunicacion cu hendenan involvi den corrupcion. Plenkovic y su partido nacionalista Croatian Democratic Union a goberna Croacia pa varios aña. E pais a forma parti di Union Europeo na 2013, despues di un era di guerra y crisis, y aña pasa Croacia forma parti di e zona di biahe

sin visa y e mercado unico di divisa. Oponentenan di gobierno na e protesta diasabra—esun mas grandi contra Plenkovic den añas—a hisa bandera y posternan mustRANDO un mokete y e texto “Ta suficiente!” e audiencia a abuchea na e mencion di e prome minister y su partido, gritando “bay!” y “eleccionnan awo!” Davorko Vidovic di e partido democratico Social, a habri su discurso por medio di



honra Alexei Navalny, e lider di oposicion na Rusia, ken a muri diabierna den un prizon isola. Vidovic despues a acusa Plenkovic di stroba libertad democratico den Croacia. “Nos poder ta den nos penan, y nos mannan,” el a bisa refiriendo na e eleccionnan binidero. “Nos pais y nos pueblo merece e miho decision. Nos no mester laga nan hiba nos den autocracia.” Sandra Bencic di Mozemo, of We Can, cu tin poder munic-

ipal den Zagreb, a evoca un exodo constant for di Croacia di hobennan pa nacionnan den UE cu ta mas rico. El a urgi pa hende “bay vota” en bes di sali for di e pais. Croacia, un nacion di aproximadamente 3.8 miyon hende, ta keda un di e economianan mas pover den UE, sobreviviendo mayormente riba turismo den e costa di Lama Adriatico cu ta atrae miles di bishitante cada aña.

## Rusia ta tuma control di ciudad den oost-Ucrania despues cu tropanan Ucrainiano ta retira

(AP)—Rusia a bisa cu su forsanan a tuma control completo di un ciudad den oost-Ucrania diasabra, cual tabata e enfoko di combate intenso pa varios luna. Esaki ta un desaroyo cu Moscu por uza pa aumenta moral como e segunda aniversario di su invasion di Ucrania ta yega cu e guerra mayormente riba un paro.

E anuncio di e ministerio di defensa Ruso a bin e mesun dia cu e hefe militar di Ucrania a bisa cu e tabata retirando su tropanan for di e ciudad di Avdiivka, unda e defensornan a bringa un asalto Ruso pa cuatro luna.

Minister di defensa Ruso, Sergei Shoigu, a conta Kremlin cu forsanan Ruso tabata trahando pa derota e tiki resistencia cu a keda na e planta di coke y kimica na Avdiivka, oficialnan a bisa dne un declaracion. Videonan riba red social diasabra ta muestra soldaatnan hisando e bandera Ruso riba un di e edificionan den e planta.

Presidente Ruso, Vladimir Putin, a manda un mensahe personal di felicitacion pa su tropanan den e ciudad, se-



gun agencia noticiario, Tass, a reporta. Vocero pa Kremlin, Dmitry Peskov a describi e captura di Avdiivka como un “victoria importante.” Hunto cu e aniversario di e invasion dia 24 di februari, Rusia tambe ta preparando pa un eleccion presidencial na maart cu mas sigur lo duna Putin un otro termino di seis aña. Kremlin a aborda

riba disentiendo durante e guerra, y e morto diabierna di lider di oposicion encarcela, Alexei Navalny, a silencia e bos di Putin su enemigo mas grandi den e pais. Ucrania ta back riba defensa contra Rusia den e guerra, stroba pa menos suminstracion di municion y un deficit dne personal. Papiando na e Conferencia di Seguridad na

Munich diasabra, presidente Ucrainiano, Volodymyr Zelenskyy, a adverti e aliadonan di su pais cu un “deficit artificial” di armanan pa Ucrania a duna Rusia espacio pa hala rosea y a permiti “pa Putin adapta na e intensidad actual di e guerra.” “Nos accionnan ta limita solamente pa...nos forsa,” Zekenskyy a bisa, puntando

na e situacion na Avdiivka despues cu e comandante di e forsanan arma di Ucrania a bisa cu e tabata retirando tropanan for di e ciudad pa salba bidanan di soldaatnan.

Presidente Joe Biden a conta Zelenskyy den nan yamada diasabra cu e ta keda sigur cu e congreso Mericano lo aproba di mas fondo pa Ucrania. Pero ora a puntr’e si e tabata sigur cu mas fondo lo ser aproba prome cu Ucrania perde mas territorio, Biden e bisa, “mi no ta.”

“Our actions are limited only by ... our strength,” Zelenskyy said, pointing to the situation in Avdiivka after the commander of Ukraine’s armed forces said he was withdrawing troops from the city to prevent their encirclement and to save soldiers’ lives.

“Ucrainianonan a bringa balentemente,” Biden a bisa. “Tin hopi cos den riesgo. E idea awo ora nan ta cabando cu municion cu nos lo hala atras. Mi ta hay’e absurdo.” E vocero di e Consejo di Seguridad Nacional di e Cas Blanco, Adrienne Watson, a yama e retiro “e costo di inaccion congressional.”